

書



09400

西土
與六
樓
詩集

道光壬亥秋仲 錢唐趙巖題

同治六年丁卯二月
虎胛山房葉氏開雕

烟嶼樓詩集序

姊夫徐柳泉先生以古文名當世而餘事爲詩人自其
髫歲卽解諷詠三十餘年無慮數千首兩遭劫火希有
存矣於是憶之深夜錄之友人合諸燼餘可七百篇每
來溪上攜以自隨同好見者又相傳鈔鴻年乃請而刻
之去其已刻遊杭集中者七十餘篇益以近二年所作
三十餘篇總凡六百五十篇爲十八卷刻旣成而序之
曰先生嘗謂後世立言未有不原諸經訓而能工者也
夫詩本三百夫人而知之顧或專事塗澤流爲佶屈好
談神韻失之纖浮其於詩教蓋違去甚遠先生湛深經

烟嶼樓詩集序

術諸經皆有闡發曩者竄匿山谷掣究葩經鴻年嘗讀
其學詩記輒流連往復而不能已其中如論猗嗟爲齊
人之誇壻葛生爲唐人之喪妻谷風非夫婦決絕之詞
褰裳則君臣告密之作靈臺之不日成之讀召誥而知
位成非臺成也闕宮之實始翦商讀爾雅而知齊商非
滅商也賚般爲巡守祭告之詩讀論語墨子而知當日
武王之祭泰山而大賚也天作爲祀太王文王之樂讀
左傳史記而知當日岐山之有二王廟也昊天有成命
則必頌成王時邁執競思文則必非三夏下武美營洛
也讀召洛二誥而知成王實王誦大武始克殷也讀左

傳樂記而知武王非王發諸凡所記或發明舊義或別
覘新解大率引經考典則證據確鑿比事言情則悱惻
溫厚剖釋疑義有如示掌敷陳奧旨使人解頤蓋先生
之於詩教如斯其深且粹也故其爲詩也懇懇款款一
往情深卽至感時憤俗記事陳諷亦不失蒼伯何人斯
遺意陳駕部題此集有曰嬉笑怒罵皆文章要其大旨
歸忠厚先生之詩蓋若是矣鴻年不知詩以姻婭之故
得從先生時聞緒論竊恨草堂一炬說經之作蕩無子
遺而所謂學詩記者幸傳鈔他氏尙存大半每勸先生
還憶而續成之先生未暇也今序此集特追理向所流
連往復而識於心者撮其大旨縷縷言之以見先生之
詩之原諸經訓者如此若第以古文稱先生固知非先
生意也同治七年三月弟子葉鴻年謹序

月之六日

柳泉舍人以新刻詩集見不翻
閱數卷不覺傾倒之至立題四詩
幸去既讀七古益覺神王比涉鄉
先輩遺蹟致澄詳核一以淑昂慷
慨之筆出之並皆不朽之作前幸

四詩未盡其妙更當補題意末
書欲將前詩原底收刻願以行
款稍長屬用絲闌另鐫隨手補
入一詩意境類唐自忘其醜還
與子相先生酌之

裏病經十日獨坐枯寂中忽聞剎

咏考送詩及老翁作者馳文譽百夫
無其雄詩乃餘事耳亦並遭祝融
燼餘尚成集譜入焦尾桐枯詩能已
瘡陳椒能愈風我苦在昏眊對之語
兩腫

紀事貴紀實董拓無曲筆尹在仇

二

奕人昌言復矣恤形盡相中青
天照白日離未與同兩何處更藏匿
無其氣難平此必急求刻事以不
能隱斯見吾黨直

至親本無文誠樸乃益摯恬恬是
何人孝愛是何事兄弟吾同孝友朋

吾同志疾痛並死喪無人不以惴時
過即已忘毋乃薄恩誼思恒難盡
去或灌偽苗非根性真孰能成一字
共訪何沈痛字之皆血淚每讀不終
篇終篇忍破鼻

草堂一燈青激文運考訪嗜古早成

三

癖著述不知倦有時羨浩氣不成為

存惡黷典進十室披圖極雙硯

湯信曰
墓起四

明四友
因法作

歷教前修慙傷世更不逐今

人趨冠對在人面而我思古人一古誠為
電豈期二百年更與今人見古人而只

無長眠志辜恨

我訪卡嫩作舊稿亦不完存子十年
未散為雲占烟迄今十數年時事值
歲寒去圓風霜多感慨叙悲歡零
落書架底而豔收業殘聲調久不振
讓尺牘自彈聽者休厭倦續此時正
寬古徑亞龜鑑勿作仔事觀

四

同治七年八月十一日

世弟張恕拜題 時年七十有九



烟嶼樓詩集題詞

李維鏞 笙南

未竟開雕廿卷詩先從老友覓題辭韓潮索句真餘事

君擅古文盛名匡鼎談經早解頤 前年君避亂山有酒祇應澆中著有學詩記

不律忘年始許結相知君今已訂千秋業白髮徒慚學

步遲

二

吾鄉詩社舊風流今日陵夷等楚咻君已登壇標漢幟

誰能拔地起岑樓珊珊骨節神仙侶浩浩歌聲身世憂

此去草堂剛數武卻如海岸望瀛洲

烟嶼樓詩集題詞

三

有子從遊只數年 子厚建為君弟子汪童偏欲荷戈先書懷四

律成奇識 厚建歿後於遺篋得秋夜書懷四詩已見死事之兆惜逝三章念舊緣

石有哭厚建五古一首將葬復賜挽詩二忠孝固知資 自劫後稿多遺失集中僅存五古一詩

教澤姓名猶幸附詩編他時為我歌蒿里刻畫無鹽要

盡妍

前人 有序

昨題柳泉舍人詩集末有他時為我歌蒿里之句舍

人來札謂語近衰颯宜易之顧念吾年七十有九即

至期願亦須臾事前詩以亡兒殉難幸得輓詩故連

類及之語雖衰颯意實真摯因復作五古一章諗之
人生孰不死毋以死爲諱不死有真詮豈以高年貴君
才百斛量中蟠不死氣卽此堪壽世故望一言記行屍
與坐亡斯世等毛蝟昂頭天外人願盼不爲類屈指盤
古時亦屬轉瞬事蜉蝣與螻蛄各效羣生遂今日手一
編卽從古人戲一集貽後人使之共知味千載爲一時
此中相位置惟我愧不能聊思寄所寄斯句固衰颯其
意則真摯再詩一諗之願君勿爲忌

徐仁恩 曙峯

每過雙湖訪嶼汀

君舊居月湖之烟嶼其前爲柳汀

忘年交許到忘形

烟嶼樓詩集題詞

二

幾人慕白思名赤舊學如藍盡謝青短榻琴書方論古
癸亥冬仲君遭祝回之變明年夏余
往訪之局促小屋中而論古不輟
辛酉粵賊之亂君避居建輿數月著山中學詩記九卷
或相驚以寇至輒竄入山谷中余問君此時亦恐怖否
君笑曰那不恐怖然憶壬戌四月六日賊果入輿余同
壽兒默坐林莽間但聞山上下慘然劫掠之聲忽念鄰
風日月篇四章皆云胡能有定得非傳所云厚問定君
於石子之定耶果爾是州吁時詩非莊公時詩矣輾轉
思維頓
忘恐怖
新詩數卷真餘事已徧人前側耳聽

鄭元祁

杏卿。集集中句

人生斯世若飛蓬

延清水榭觀紅蓮

戎馬餘年一笑中

答李笙南之一

已忘聲名在人世

張丈芝雲挽詩之一

白雲三疊唱西風

登吳山最高處

果然下筆是驚人

西湖雜詩之十一

壇坵空空六百春

豈知自

喜歲除添眼福

丁卯十二月余過草堂時新刊大集已得十餘卷矣

○新得朱竹垞太史墨蹟

一囊佳句一時新

送葉蒞田之二

陳勳

子相

昔過烟嶼每句畱今向城西更唱酬

君舊居月湖烟嶼後遷城西

舊

兩交情踰卅載名山事業讓千秋不輕許可偏青眼曾

幾何時竝白頭書讀四餘勞贈句桑榆景願共君收

余作

四餘讀書圖謂老者生之餘以補古人三餘之說君為題長歌一首

二

前後辛壬喪亂頻

道光辛丑壬寅西夷犯郡咸豐辛酉壬戌復遭粵寇

桃源兩作

烟嶼樓詩集題詞

三

避秦人傷時杜老憂思切感事香山樂府新快觀

昇平歌復旦好將雅頌播陽春十年以長慚兄事

二十年前

姚梅伯贈君詩有五年過君十之句君笑謂余曰詩人多誕梅伯長我才九年而云過十耶余與梅伯同庚今

舉成數言之與子同為擊壤民

三

作者當今更有誰哀然大集草堂詩世情諳練辭能達

才思縱橫老益奇書擁百城長論古

君喜聚書烟嶼樓中插架數萬卷經

亂散失其存城西草堂者復燬於火今句更一字亦吾

重收之本雖未復其舊亦粲然可觀師余每以所祇慚下里巴人曲竟附新翻白雪詞

集中附存

拙和

憶在山中避地忙特將詩卷付行囊六丁連被仙官敕

二丙空教佛子藏辛酉之難君避寇建隲以著作藏金

及重事搜輯而草堂差幸傳鈔畱臍句更勞回憶索枯

焚如劫餘無幾矣賜今所刊諸詩或從友人鈔得或追憶舊作已非當時完本半生甘苦吾能說簡首

聊題字數行

烏世耀 懷仙

大雅久消歇茅葦徒蒙茸胸中無實得名下鮮令終自

大固偏霸因人亦附庸誰能主壇坫崛起一代雄君也

具異稟駒齒稱聖童年壯志益壯小技羞雕蟲懷抗古

烟嶼樓詩集題詞

四

人上眼高時輩中依傍絕牆壁粉碎到虛空言近婦孺

解思深神鬼通著作日寸計餘事成詩翁奇文天所寶

追取命祝融撥灰拾餘燼其光仍熊熊舊時傳鈔者亦

復寄郵筒合之成大集什五已殘叢光采不可闕客為

付劄工此集為慈谿葉吉甫所刻君復手編茸眼纈燈花紅虛懷信

如谷商確及愚蒙小巫見大巫僕僕拜下風但以心相

契況又見略同標眉及跋尾非私乃至公吾好推眾好

知音天下逢豈惟續耆舊詩教振甬東

周棻 如香

四明靈淑氣蒼萃在君身慧眼驚流俗高懷契古人書

歸烟嶼富詩倡月湖新吟詠原餘事英華發越眞

二

十載城西住巍然一草堂年華消著作器識老文章經
訓宗周漢歌聲續晉唐徹宵常不寐兩鬢已如霜

三

忽觀流離苦巖棲我與同孤忠懷海上新記出山中
君亂建隩先成蘇子卿詩解極論李世亂人翻暇愁多句
之迥不如蘇後又成山中學詩記君益工篇成先睹快
集中如老婦孤兒等篇皆成於此時我亦學雕蟲

四

香山僧寺稿無故忽成灰劫又遭謔出編重付祝回
君詩

烟嶼樓詩集題詞

五

先焚於金巖後焚於草堂傳鈔詢舊友彊識歎奇才
君自謂不能強記然如前後蚌蠃篇幾三千言而亦皆追憶出之生計姑拋卻搜羅自別裁

五

什不存三四知君力亦殫天心增煅鍊物理寶叢殘乍
自囊中出都從壁上看看老來詩興健誰道等身難

六

自笑迂疏質蒙君眼獨青一生常俯首卅載已忘形仙
骨空邀譽金丹願乞靈學詩今未晚來向子雲亭

葉之蕃
蒞田慈紫

韓潮蘇海大文章此日誰登著作堂吟詠君方嗤末技

研摩我欲乞餘芳不名一體諸家備直以三長作史當
駭谷清超梅伯富區區未許論低昂

二

銅琶悽惻撥哀絃老婦孤兒美女篇

皆集中感事詩篇名

山鬼有

靈騷欲泣水仙無操曲難傳劫灰消盪誰千古詩史畱

貽此一編曾記圍爐談舊事快心重戴是

堯天

三

草堂新闢種花多東望頻思載酒過古豔相期搜屈宋

清思豈屑問陰何天教煅煉原非妬

君詩兩煅於火

劫盡流傳

烟嶼樓詩集題詞

六

總不磨試問五陵裘馬客幾人清福在槃阿

四

語水羈樓轉括蒼宦途初歷已茫茫官閒欲著消閒草

身老難尋卻老方敢道豹窺神采現幸叨驥附姓名彰

琳琅大集刊今始惠我新編跋遠將

王方照

意山

玉臺新稿歷詞壇筆走雷霆舌湧瀾餘事作詩揮灑易

文言道俗雅馴難不名一體何唐宋獨有千秋豈杜韓

我愧交遊逾廿載空教覆瓿紙叢殘

陳政鍾

樹珊

四明之山浙中陡其下人文萃淵藪卽論風雅亦詩國
賀監山川擅名久風微人往懷先民大造降才良不偶
乃及吾身親見者閱世挺生有老柳老柳生少愛古人
羅列卷籍富二酉掌經論古多卓識著書未肯落人後
抒寫性情爲詩歌戛戛獨造無窠臼勦竊塗澤紛眼前
以君俯視眞培塿健若秋空鷹隼飛快若大壑龍蛇走
清若梅花開一枝豪若雲夢吞八九所聞所見姑言之
種種變相靡不有嬉笑怒罵皆文章要其大旨歸忠厚
在君作詩餘事耳三十年來盛名負昔聞閨中誦琳琅
湯耕吾先生常教其女誦君詩一垂髫少女誦熟
尤多每君至其家輒呼出令琅琅背誦數十篇 今見

烟嶼樓詩集題詞

七

海外索瓊玖

近有日本人持畫來乞君詩

兩遭小劫或忌才傳鈔幸

在他人手刊成初集成鉅觀焉知六旬非萬首我生蹉
跎五十年學步邯鄲君許否向君再拜乞金丹直諒多
聞資益友異時高生有新詩歎息應來杜陵叟卽今發
軻題卷端一詩已同君不朽

弟子陳繼聰

駿孫。有序鎮海

龍門聲價播乎一郡種桃接李化盜春風聰以菲材
亦荷收錄君子盛德欽感無已憶自刪削鄙文願隸
門下之籍者二十餘年而以飢驅奔走無由晉謁去
冬得接芝顏賜讀大箸樽酒豪譚幾乎終夕絕似邯

鄂見陳思歎爲天人亦類士元晤德操忘其賓主自
喜落拓得有依歸阮生途窮亦爲氣振謹呈五古三
十韻奉題大集

風雅參正變殊轍實同達漢魏迄唐宋後先相攀追流
音或激宕所遇因其時要以忠孝性發爲比興詞卓卓
師川公崛起澗之陘叱咤驚羣孽奧袞抉古疑真蘊能
曲嚶元氣噴淋漓

廟堂有制作大筆手可持惜哉艱一第生世又化離西
戎航巨海赤子嘯潢池可憐明州地猩鼯雜羆羆全家
匿山谷芒屨苦奔馳穹蒼幸悔禍兵後精已疲孤鳳慘

烟嶼樓詩集題詞

八

不樂病驥鳴多悲羌村慰父老石壕歎窮黎諸將吟慷
慨江頭淚噓唏長歌及短謠俱是悽惻辭懷抱同杜叟
詎在官拾遺餘年蒼茫逼世路謝簽幟避人成小隱城
西築茆茨流風繼櫟社芳躅追東籬銅絃唱樂府香醅
倒瓊卮文章且娛老諷詠抒蓋思名山千秋業維公寶
擅之賤子嗟匏落夙蒙采葑菲自慚非籍湜謬譽以頂
斯騷壇有宗主吾黨得所依終藉吹噓力其扶大雅衰
頽桐高百尺垂蔭到菴蔬武功復莊先生不可作公乎我之

師

弟子史錦標癩仙。集集中句

西草堂前湖水淥集武昌詩字贈子相之一。錦標謹

為長古二首贈陳先生妙極自然錦標猶記其第一首

末四句云萬事無往不相復爾有好語無金玉開樽飲

酒和詩來西草堂前湖水淥亂後稿失故集中無之今

抄撮先生詩句即以集外詩為起語蓋甚惜先生詩之

尚多散佚也 高人品格儒生學贈朱述之 窮經餘事為詩文韻次

答鳥謝林一屏 自然風韻豁心目惠醇醜花 拔劍四顧空無人自歸

粵西贈江崎 慷慨談笑常率真岷山崎嶇山海亦勞瘁 畫馬青

衫落魄長安門舟泊維揚 送人作郡年復年廣東 頭銜

清貴無俸錢茹香為徐孺 先生有意成高隱西湖雜 人

生安樂皆神仙雲後遊 人生由命非由他客有話唐人

者酒酣自作慷慨歌以酒贈 詩人諷詠知多少除醜一

見自憐才賦軻壽昌寺中觀浮 無端海國遭蠻厄餞春

賦詩長歎心惻惻同 居然俗語是丹青西湖雜 不顧俗

眼驚魂魄飛來 吁嗟噫嘻美矣哉同 摩挲長卷驚光彩

題四明余丈芎 二十年前早識公坪挽詩 心香一瓣淵源在別

小鶴呈馬太 未謁門牆間起居史之一 我懷先生高風孤山陰

生亂後重逢倍驩洽鄭竹溪 行年五十多白鬚鄱陽湖

青眼相期傳世學贈朱述 歡喜贊歎飽眼福觀浮糕 及

卻復題詩供一笑題四明 條綴連貫皆珠玉夢讀萬 邇

來倒篋親別裁答釀 置身天半一切低黃埃游響 詩成

只可自怡悅紀夢 先生之言欺人哉畫馬 行

烟岷樓詩集題詞

九

弟子郭傳璞

恬士

詩不衷古法能通號僭周詩竟黜我法趙佗臣事劉能者鑄洪治元氣坯剛柔仰則貫五緯俯則燭九幽夫子固天縱崛起東南陬於詩特餘事眼已空羣儔矜羊角倒挂妙難形迹求欲作一辭贊坐令言卜羞

二

氣爲詩之幹情乃詩之苗二者集其厚弗畏霜霰凋夫子惇內行孝悌聲庠膠推之及婚友芬惠流綿袍造意固根柢比物託風騷歸昌采奇律何必慚咸韶誓墓堅不出風月娛嘲嘲山人卽宰相今有貞白陶

烟嶼樓詩集題詞

十

三

憶昔年甫冠執經事上湖

姚復莊師本鎮海人故自號上湖生道光閒來寓郡中廿

溪

夫子每來過談詩甘溪廬小子陪末座風雅時聞諸

於後獲親炙樞衣城西隅愛我止之宿

用集中句琅嬛窺祕

書顧謂小子言我與復莊殊復莊事雕飾而我集中無環燕較肥瘦視之當何如小子不敢對把讀重躊躇但覺入心脾元氣爲卷舒欲通兩家郵乃復慚鄙愚自慚亦自幸皆得爲之徒

四

秀水新城來龍門豁兩扇袁趙揚濁波仲則救其變夫

子將別軍手弓奮強戰長陵銳頭兒望之奔而殿客氣
好談兵無爲趙括羨

五

韞匱不可藏夜有寶光燭遠來望氣人善賈沽美玉

謂慈

水葉吉甫別體亦編年珍重以雕木惜乎遭鬱攸勵此存筭

束然而嘗一嚮亦旣飮吾腹百歲去匆匆萬感徒碌碌
文章千古事誰享此清福

六

我讀初月詩吳仲倫師汶陽韻孤篠我讀大梅詩復莊師藍田

轡奇寶我讀繼雅詩陳餘山師琅邪飮香稻各有千秋存奚

烟岫樓詩集題詞

十一

必體相紹今讀夫子詩格又異三老味以淡得甘質因
樸而巧瓣香願在茲眞吾期自保寄言塗抹人朱粉豈
不好以水淨洗之無補容顏槁盍從安期生海上啖仙
棗

董葆琛獻臣 慈谿

鄉園論詩誰畏友曰惟大樑與老柳東海之水明山雲

一生俯仰只低首往歲姚也歸蓉城句東詩霸推先生

先生之詩橫而肆往往意外之筆道人意中事山川名

勝不自今日始先生有詩忽覺化工神至此謂飛來峯 響巖諸篇

晚近世態百出年復年先生有詩忽覺人心變幻都眼

前謂紀事新樂府諸篇清如霜夜鐘秀如冬嶺松峭如絕壁倒插

青夫容忽如長空走天馬使我眼看騏驥皆鴛下又如

天樂縹緲奏雲璈使我厭聽人閒一切箏琶簫吁嗟乎

噫嘻神佛仙鬼之才亡久之不圖生後千載期忽若眼

見諸老妙手合作先生詩友朋阿好固常態果有賞音

不吾怪君不見光芒歷劫終不磨燼餘廿卷新詩在寇

時先生藏詩石屋盡燬於火其後草堂焚如副稿本又亂盡失此集皆先生所追憶及得之朋好向所鈔錄者

董沛覺軒

讀書貴養氣氣盛言乃宜辭達而已矣聖訓誰能違陋

學競門戶一一摹仿之區畫唐宋界貌合神則離壇坫

烟嶼樓詩集題詞

十一

久不作風雅已中衰不圖竝世生乃得徐君詩混元剖

眞宰斧鑿安所施掉臂空中行天馬不受羈君才冠流

輩卓犖名世姿談經溯賈鄭論史刊顏裴文擷漢語雋

書補秦火遺餘事作詩人亦復空倚毗祥霄下鸞鳳巨

壑蟠蛟螭公然樹一幟壁壘皆新奇譬彼松柏性老幹

無柔枝擗捨與塗澤靡靡安足爲視此百鍊光能脫兵

燹危名山有眞鑿莫謂知音希我亦耽苦吟頗能涉藩

籬作詩題卷端爲君千載期

吳有容曙樓

自有千秋業可傳先生餘事在吟編溫柔敦厚言情什

感慨淋漓記事篇孰謂南豐愧風雅果然玉局是神仙
文章軾轍推前輩積累由來仰老泉尊甫梅谷先生以義行旌於
宣廟其課諸子甚嚴故先生與令弟子舟比部竝起家科第有文名

手寫梅花口論詩當年姚合是吾師辟疆霸國期千古
姚梅伯師復莊集中有贈先生五古四章極傾倒先生謂先生以詩文雄霸而期之千古樹幟文壇
此一時雪亮已傾眞肺腑風流重見古鬚眉願書萬本
吟千徧問道於今尙未遲

汪忠錄講夫。集集中句

自有傳人業送傅歎生歸臨海之三何須萬戶侯建隲山中春風湖上

烟嶼樓詩集題詞

三

席奉懷朱小竹文世居月湖烟嶼曰烟嶼樓近始移居城西草堂。明月水邊樓

秋夜同王稽雲登吳山絕頂富貴尋常事入月十四夜文章第一傳

題鄭杏卿杏林春曉圖之一異時重請益奉懷朱小竹談笑亦風流

兩夜書懷寄遠香之十二

童開馬廷

聊將餘技抒清詞座擁羣書翫燭時紙上碎句翻峽水
毫端變幻出烟姿有情陶寫中年感極意描摹世態奇
具各體裁空倚傍專門應號舍人詩

涉筆爭言杜與蘇效顰西子竟何殊獨將腕下生花管

自寫城西老柳圖世上幾堪稱識者詩中原貴有真吾
海山環作書窗畫移得吟壇到此無

近余方主球
山書院講席

弟子劉鳳章

藝蘭。有序

吾師柳泉先生以根柢之學發爲詞章鄉邦後進翕
然宗仰鳳章早歲讀先生應試諸作服膺已久後得
見先生詩古文辭愈益欽慕自憾單門末學無由登
大雅之堂同治癸亥先生五十初度鳳章自埭門下
獻儷辭爲壽先生不棄獎許過甚尋有課孫之命得
以縱觀著作先生經學說部皆發前人所未發文章
尤卓然大家吟詠特其餘事會溪上葉君刻先生詩
集鳳章獲預讐校閒有簽語葉君爲併刻之刊成敬
賦五言十六韻以識二十餘年說服之悻

烟岷樓詩集題詞

十四

大里歌采芝狂客賦回鄉四明風雅國淵源追漢唐洎
入宋元來作者紛相望耆舊前後集列宿森光芒夫子
起今代高步翰墨場六藝織經緯百家譜宮商琅然正
始音卓爲後學倡著錄都講籍羣雅何鏗鏘我生少失
學自顧恆偃偃猥以駑駘姿一顧逢孫陽假館受詩教
辨論忘夜長觀海歎浩漫問途識康莊編成與參校格
律曾細詳迴環百回讀咀嚼餘芬芳願以溫厚旨振興
先梓桑大雅其可復盈耳聲洋洋

楊爲煥 小苑

四明靈秀鍾獨厚鼎鼎名家重山斗攻媿清容導其前
傳之杲堂及雙韭近維先生瑰麗才下筆千言世無偶
天產名駒不可羈躡跡高空絕塵走靡靡卑格皆掃除
當代斲輪推老手譬如策杖登泰山下視羣峰盡培塿
僕本淺識等醯雞樂與先生交最久有時縱談今古詩
開拓心胸闢戶牖欲附驥尾良獨難笑我枯腸空抖擻
縱云頑鐵可點金亦是珠璣雜瓦缶只今鉅製付手民
頡頏先輩相師友我姑題詩綴簡端願附先生傳不朽

弟子袁士杰 襄臣

烟岫樓詩集題詞

十五

夫子文章可得聞斗然健筆欲凌雲架中緗素平生好
卷裏丹青徹夜勤落葉掃餘畱古豔好花夢後有靈芬
清容嘉則推詩老壇坫而今一席分

二

不須摹倣樣翻新俊逸才華本性眞妙手空空稱絕代
生機潑潑巧傳神崎嶇世事詩中畫平易人情筆底春
勿作等閒吟詠看韓潮蘇海是前身

三

褒題先集荷

純皇兩廡明禋尙待將獨力表揚搜典冊合辭籲請祀

宮牆

公請先正獻公從祀
子相先生共倡之其後先生復爲搜羅事實撰定

文廟之議實先生與陳

呈詞蓋殫竭心力
者已三年於茲矣

在公自任斯文責顧我焉能此德忘

奏草遠傳刊集竟不禁狂喜入篇章

戊辰七月初得都
中書始見大學士

以下會議准如所請
作烟嶼集題詞遂不覺於末章詳言及之

奏稿會士杰方補

弟子陳家珩

撰書

筆足補造化文章亦經濟所以不朽三言與德功比先
生靈秀鍾斯文振後起著述已等身當代問有幾餘緒
發爲詩名言貫妙理沿溯風騷源堂堂正途軌珩從先
生遊觀海難爲水欲入不得門高山徒仰止時讀先生
詩欲譬何所似側聞舉世推韓蘇及杜李鉛槧欣告成
聊述平生企千秋此一編應貴洛陽紙

烟嶼樓詩集題詞

共

弟子陸廷黻

漁笙。有序

同治丁卯慈谿葉君刊烟嶼樓詩集先生先以寫本
命廷黻校勘凡見所及妄綴一二先生首肯者再尋
有題詞之命會廷黻秋赴武林冬上京師遷延至踰
帀歲今夏旋里先生敦迫再四且曰集中何可無吾
弟詩辭不獲已謹獻古體一章亦舉平時所聞於先
生者還以質之先生云爾時戊辰七月十又三日

三百詩源尊兩京導流別六朝矜風華三唐嚴格律下
逮宋元明時有新意出豈知作詩者原本在經術蘇李

及曹劉聲詠推曠絕不聞隨申韓同入解經室私集日
益多各詡精翰札盡態或雕蟲炫博時祭獺華實兩難
符東西且塗抹夫子生

清時大才邈無匹富窺琅嬛祕古探汲郡漆傳箋追毛
鄭寓言究莊列奇采振新鮮瀨氣吐盤鬱以其中所存
發之爲著述故其作詩歌書味尤盎勃訓詞必深厚隸
事每精切語或雜莊俳狀乃備纖悉九霄聞韶謨八軌
通車轍扼要而鉤元大指歸辭達作文五無難片言可
以括惜哉集不完兩遭謔與詘二酉啟清局六丁競豪
奪粵匪之亂詩集授寺僧藏石室中不戒於火其副本在草堂者亂後亦付焚如文字鬼神忌

古今信如一斯乃拮據餘釐爲卷十八金薤採孤挺珊瑚
網搜散佚精神所貫注萬古不可滅賤子侍門牆膚受
慚學末盥手誦新詩能使心目豁再拜陳此詞持以乞
衣鉢

弟子陳康祺鈞堂

偉哉韓與蘇文章無出右開世得吾師古人相抗手每
謂吾師文足使八家九無此數卷詩大名固不朽而况
開篋視洋洋一千首屈宋得替人杜李呼畏友中晚及
宋元瞠乎在其後造物亦愛才回視攫而走辛苦憶得
之刪存愈不苟鄭重付手民拭目傳久久豈獨吾明州

俛仰誰爲偶

二

雄才固天授亦稟世德高昔聞義行公卓犖人中豪義
田賑孤寡家塾養俊髦海礁鳴鈴鐸津橋排巨艦固宜
達人作詞賦空其曹中歲志高蹈挈弟隱蓬蒿辱與先
子友里社借游邀先子勇爲善去我日月慙不肖食舊
德兼受大匠陶所媿庸腐才未能振風騷偶作有韻文
草際秋蟲號茲集讀未竟惶恐流汗逃

弟子陳清瑞

清甫

珍重名山此一編劫灰兩度尙哀然書成酌酒坡公席

烟岫樓詩集題詞

末

直接風流八百年

二

賀老吾鄉詩鼻祖樓攻袁清沈嘉李杲亦瑰奇而今風

雅都消歇賴有新篇爲主持

三

昔年賓榻下南州末座趨陪預讌游宿草已荒猶惓惓
姓名且喜附千秋先生夙善先通議公公歿六年先生
壽家叔五十詩猶及之今載集中

四

弟兄先後列門牆問字頻年過草堂若論詩家有衣鉢

科名兆已到元方清瑞與家兄同舉丁卯浙闈家兄名
次適與先生丙午鄉榜同在二十

弟子葉清年

安甫
慈谿

日月雙湖地巍然烟嶼樓如公眞曠代此集已千秋兵
火經殘劫江河納細流心香畱一瓣西望有眉州

二

作壻來溪上追陪幸得師聰明窮耳目懇摯入心脾知
己吾尤感論文意不疲舊時成誦句雕本快重披

烟嶼樓詩集題詞

十九

又題詞

葉余雲貞

紉蘭。鴻年生母
山陰

我歌黃鵠八年久墨花零落硯塵厚固知結習難盡除
敢向雷門擊秦缶邇來祺兒爲我言吾家姊丈眞詩叟
平生有詩百萬言舉世無能出其右天公生才如忌才
下命六丁搜二酉焚餘之草什二三秋來爲付手民手
我攜其詩向鏡臺光明磊落無塵垢經生之學才子文
人情物理纖豪剖有如白氏長慶編雖我老嫗解八九
東牀坦腹記當年此腹不須呼負負吁嗟乎尋常詩卷
累萬千大都供人覆醬甌焉得清新如此集珪璧之寶
金玉壽卻喜吾兒從之遊挂名大集同不朽

烟岫樓詩集題詞一

一

葉周姝妹

綺霞。鴻年室人
吳江

紅蕉青照代畱傳

余家自高祖 宮保元理公後代有
詩文集行世紅蕉館青照樓皆家集

名也還記垂髫學誦年來到四明添眼福又隨夫子校新
篇此集爲夫
子所校刊

二

聲牙佶屈自矜奇三百篇無費解詩今日停鍼披大集
行閒字裏得吾師

三

悼亡絕句最酸辛情到眞時泣鬼神儂爲小姑彈舊淚

可憐無福伴詩人

四

花晨月夕坐彈琴流水高山太古心
余受琴法於姻婭陸夫人若譜
卷中新樂府激昂定有繞梁音

烟岷樓詩集題詞一

二

烟嶼樓詩集目

卷一

卷一 古樂府二十一首

辛 丑 明月升中天 有序

辛 丑 八月湖水平 有序

壬 寅 臨高臺 有序

壬 寅 鬼頭謠 有序

壬 寅 乞兒曲 有序

戊 申 洋山行 有序

戊 申 賊迫行 有序

烟嶼樓詩集目

己 未 南馬樂

卷二

擬新樂府下四首

庚 申 蚱蜢篇 有序有書後

庚 申 後蚱蜢篇 有書後

庚 申 廣東客 有序

壬 戌 美女妖且閑 有序

卷三

擬古樂府二十一首

擬古樂府二十一首
柳汀雅集擬長干曲集古長干曲句五首

丁 柳汀雅集擬從軍五更轉五首

戊 柳汀雅集擬邯鄲才人嫁為廁養卒婦

戊 塘上行贈陸東岑

申 飛雲

酉 侏儒問修人

酉 一父沽兩名

乙 當將進酒

乙 反將進酒

乙 門有車馬客

乙 那呵灘三首

烟嶼樓詩集目

四言二十七首

庚 力田 有序

乙 九月紀事擬易林二十六首 有序跋

卷四

五古一三十五首

壬 朱鏡湖夜溺銅盆浦往哭其家九首 有書後

癸 病中憶鏡湖

甲 話舊篇 有序

甲 小除哭伯兄醒墨先生十四首

乙 為徐遠香題風木圖

未獨坐二首

丙夢朱鏡湖六首

丁酉大墩道中

卷五

五古二十四十五首

戊古團扇歌呈李曉園師五首

己亥夢至阿育王寺看晉松示鍾雲扉

庚子贈余蕞泚

庚子答何韻仙 有序

庚子除夜祭長恩聯句 朱文杏 時棟 四弟時樑

烟嶼樓詩集目

三

辛丑題翁荔鄉桃源問津圖

辛丑兩夜書懷寄遠香十四首

辛丑閨重三夜烟嶼樓聯句 何琳 陳勸 烏世耀 王世濬 時棟 時樑

甲辰寄子舟京都三首

乙巳哭董小峯廣文四首

丙午寒冬

丙午武康道中

丙午武康縣謁吳春岡師三首

未丹陽道中

未丁車中作三首

丁 鄒縣謁孟子廟

未 歸途雜詩三首

丁 清江驛

卷六

五古三三十二首附二首

戊 李笙南以慎言詩見示有感而作五首

中 無題三首

申 雜詩十首

己 鳳仙花時與兄子隆德讀書崇本書院

酉 朱翁棟材話先大夫造礮港橋時事感泣賦謝

烟嶼樓詩集目

四

丑 四十生日感懷示何韻仙馮午卿邵又橋烏釀

仙李蓮史

甲 奉酬韻仙除夜見詒三首

附原作

何琳

丙 周屏厓明經挽詩

丙 山中十一首

丙 山中夜有鳥呼姑者感而賦之

丙 山僧掘芋

丙 石工胡翁話先大夫遺訓遂及近事感賦

丁 次韻答何大孝廉將出都中有懷徐十三舍人

附原作

何琳

丁巳白晝二首

卷七

五古四二十五首附六首

戊午有感時事賦示陳子相張鏡初范芾廬二首

附和作四首

陳勸

戊午子相以手雕私印印橫卷見詒疊前韻賦謝

戊午悼宋仲穆廣文殉節壽昌疊前韻二首

戊午六用韻悼其六郎

附同作

陳勸

烟嶼樓詩集

五

戊午七用韻哭及門李勤甫孝廉死事東錢湖上

己未贈朱絳山

己未次前韻答徐曙峯

附原作

徐仁恩

己未同馮鱸鄉王簡侯楊小苑出天童寺遊阿育王

寺步至寶幢河泛舟而歸十六首

卷八

五古五二十五首附一首

庚申見周翁雲巖手錄簿賦示兄子隆道隆德二首

庚申次韻答子相有序

附原作

陳勸

庚申有感時事仍次前韻示子相

庚申團練大臣以札見召賦詩言志情見乎辭四首

庚申無題四首

辛酉示壽兒

壬戌避寇出建隲過江抵周家村賦示周志柳六首

壬戌責李生四首

壬戌大蘭兵二首

卷九

五古六二十五首附五首

烟岫樓詩集目

六

壬戌吾孫

癸亥董覺軒母邱孺人挽詩

亥挽吳春臺

甲子憶錄舊臺漫成

甲子周茹香每入草堂輒有詩意戲作三首

甲子贈陳擷菁二首

甲子狸奴三首

乙丑讓坐篇

乙丑從姊一首示四六兩弟及諸姪

乙丑邱小嶼一子亡去近又喪兩兒賦此慰之二首

丙 生女

丁 答覺軒七首 有序

附原作五首 李益甫水滸黃董沛

卷十

七古一十六首

壬 題周抑齋先生風雨破蕉圖

乙 負米行為邵鏡湖秀才作

丙 畫馬行 有序

丙 庭樹篇贈蔣生

丁 壽從叔苻湖翁六十

烟岫樓詩集目

七

辛 歸自粵西歌為子相作

丑 以酒贈傅獻生先之以詩

丑 餞春行

丑 遊響巖

壬 同朱絳山鄭惺齋周仲雲四弟子舟遊雲石巖

癸 陳母洪太宜人七十壽詩

甲 題陳託巖龔岳庵厲駭谷張春水海天四客圖

甲 為張丈小晶題李芸甫水部畫梅

甲 陳翁秉炎席上賞同心芙蓉集古人詠荷句

丙 同陳餘仙宋仲穆觀壽昌寺浮槎及羅漢像

丙 胡小文招賞十三出蕙花

卷十一

七古二十一十七首

丁 舟發揚子江

未 殺鴨行

丁 雁帶箭行

丁 舟泊維揚大風雨懷趙粹甫大令卻寄

未 舟中憶范子真孝廉卻寄

戊 董丈小韭鄱陽湖圖歌

申 題徐將軍春波滌硯圖

烟嶼樓詩集目

八

戊 同舍弟子舟奉陪徐信軒使君謁偃王墓

庚 清江酒肆醉歌

甲 題章韻堂年丈玉堂富貴圖

甲 賣書行爲鄭杏卿明經作

丙 爲台州人題徐天池天心來復圖

丙 題潘母窺屏圖

丁 謝林小屏惠醪醴花

丁 紀夢 有序

丁 讀呂梓州淨德集

丁 題四明四友圖

七古三十一首附一首

戊午馮午卿竝時得兩孫喜而有作

庚申客有話唐人許道敏科第事者感而成詠

庚申門蔭歌為孫通判作

辛酉溪頭老婦行

辛酉孤兒行

癸亥謝鄭竹溪觀察惠洋燭

丑題倪節母王孺人秋燈課子圖

丑贈江峴山封翁

烟嶼樓詩集目

九

丑茹香為其亡室徐孺人徵挽詩

丑次韻答釀仙明經并餽之酒

附原作

烏世耀

丁卯贈陳揆卿同年

丁卯題陳子相四餘讀書圖

有序

九言一首

甲寅戲作生子歌贈湯耕吾

卷十三

五律上六十一首附四首

癸巳喜楊氏從甥歸自台州明日復別二首

己登南城尋慶雲樓故址三首 有序

亥大梅山懷梅子真 有序

庚清晨由戴公嶺入金巖寺

庚子同子舟詠陶靖節限用五柳傳字四首 有跋

辛丑次韻答董阮山二首

辛丑集唐句送趙粹甫北上二首

辛丑子相見訪未晤作此寄之四首

附和作四首 陳勳

壬寅雲屏同阮山陸靜廬見過卽題其意外吟二首

癸卯羅蘿村師誥經精舍分賦晉宋書隱逸傳十首

烟嶼樓詩集目

癸卯題鄭杏卿杏林春曉圖二首

癸卯越篷聯句二首 何琳 王世濬 謝輔坵 范邦翰 時棟 時樑

癸卯曉渡錢江聯句 何琳 王世濬 時棟

甲辰殤同兒寄子舟京都 四首

乙巳送傅獻生歸臨海四首

乙巳贈湯丈耕吾二首

丙午哭楊閑史秀才 四首

丙午秋夜同王稽雲登吳山絕頂

丙午八月十四夜闌中作二首

丙午光溪

丙 暮別徐旭林星池兄弟出奉化城

丁 岔河旅夜

丁 三月十二夜闌中夢見先伯兄明日得家書兄

子隆德入郡庠喜而有作二首

戊 周丈伴槐挽詩

戊 王丈蓮君權知河池州卒於官詩以哀之

戊 苦雨二首

戊 范丈芸圃挽詩

己 欲問

庚 下第南歸信宿蘇州閭門外見白髮感賦

烟嶼樓詩集首

十一

庚 弔何一山先生 有序

卷十四

五律下五十七首

甲 哭邵丈海門二首

甲 鄭弼庵孝廉母金太孺人挽詩

丙 奉懷朱小竹先生四首

丁 祀余文敏公於月波寺西廊同人集拜七首

丁 同葉小峯同年季弟石門遊林氏夢園五首

丁 小屏遊夢園同陳舩仙張米叔秦和卿二首

丁 草堂御事

丁寄余尊沚 有序

丁傅心芝大令死事於上高縣二首

戊張東玉中翰挽詩三首

己雨中登瞻琦嶺絕頂二首

未瞻琦六首 有序

己贈周翁君綬

庚由寶巖山至戴公嶺

辛張鑑山廣文挽詩

辛送張米叔同年司教定海廳四首

辛建隩山中

烟岫樓詩集目

辛行人入建隩偶摘一橘爲守者所見

壬李弢山舍人挽詩 有序

癸有懷次女時從其壻凌定甫孝廉客京師三首

亥挽周廉泉同年二首

甲老屋

甲挽董面軒孝廉

甲挽王小竹

丙老友話舊意似抑塞用賦五言以廣其意

卯雨後山中

五排一首

丙辰范汾生夫子挽詩

卷十五

七律上四十五首

丙申春陰

戊贈鍾雲屏

己亥同人賦西郊古蹟得鸞脰湖二首

庚子柳汀雅集賦夕陽四首

丑次韻答韻仙

丑次前韻送趙粹甫

丑次前韻送張鏡初

烟岷樓詩集自

十三

丑次前韻贈陳子相

丑次前韻贈王稽雲

丑次前韻卽事書懷卻寄韻仙

丑次前韻集唐句寄子相

丑次前韻再集唐詩贈韻仙兼示子相稽雲

丑次前韻寄韻仙并約閨重三之遊二首

丑春草奉和馮柳東先生韻四首

丑再詠春草次馮太史師韻二首

丑再和二首

丑三和二首

丑杏花次馮太史師韻

辛避地它山贈徐朗湖秀才四首

辛大將八首

丑諸將四首

卷十六

七律下四十七首

癸詒經精舍分賦漢史十一首

乙余丈萼坪挽詩

丙贈朱述之大令四首

丁舟中望惠泉山懷裕大將軍

烟嶼樓詩集目

十四

己野眺

癸城中戒嚴賦示午卿又橋及四六兩第二首

乙宅邊柳 有序

乙范沁君同年母張太孺人挽詩

丙由光溪入南山訪陳東生二首

丁同秦菁泚何韻仙二孝廉馮午卿烏釀仙余尊

泚三秀才宋蓮叔觀察李可稼廣文范芾廬明

經四弟子舟遊月波寺

丁謝段鏡湖觀察惠荔枝時公子小湖司馬方官

閩中由海舶新獻時果二首

丁豐年

己陳子相母王太孺人挽詩二首

癸次韻和范丈雨生八十自壽

亥謝陳魚門中翰惠洋燭十挺三首

甲謝陳樹珊駕部送書二首

甲子有感二首

甲子起屋

甲子寄董覺軒

乙丑范雨生丈夫人仇孺人挽詩

丁卯補題陳子相灘江送別圖二首

烟霞樓詩彙目

五

丁卯贈陳樹珊二首

丁卯步月山行投宿寶巖寺

丁卯答李笙南運同二首

卷十七

五絕一十六首

乙未大墩道中三首

丁酉南山十景詩爲陳東生作十首

戊戌柳汀雅集賦四明窗

戊戌柳汀雅集賦桃花隄

戊戌采桑曲

七絕上五十首附二十首

丁柳汀雅集賦柳汀柳枝詞三首

附同作三首

徐元第

又二首

徐時樾

丁讀桃花源記同遠香子舟三首

附同作二首

徐元第

又三首

徐時樾

丁柳汀雅集賦月湖欸乃曲十首

有書後

附同作四首

徐時樾

丁居鄉雜詩五首

有書後

烟嶼樓詩集目

七

丁拜岳鄂王墓

從遊抗合集錄
出三首錄一

丁寶巖探梅同遠香子舟三首

附同作三首

徐元第

又三首

徐時樾

戊柳汀雅集賦蠶詞

戊內人買得送別圖乞余題詩其上二首

庚董阮山極賞余草書戲贈

庚次孫寄廬韻贈鍾雲屏二首

庚子遊西湖拜蒼翁墓二首

庚子憶畫

辛丑掃先大人墓王稽雲同行卽景奉貽二首

辛丑呈馮太史師四首

癸卯飲陳氏旣醉塗竄洪君詩明日賦此謝洪君

甲辰章小郭以其母墓圖索題

甲辰聞湖州人購黜卷糊蠶棚省試下第戲作二首

丙午暮入寶巖寺

丙午杭州書所見

丙午山行

丙午悼亡二首

卷十八

烟岷樓詩集目

十七

七絕下八十首

丁未荏平旅舍二首

丁未飛沙

丁未訪鈕竹君同年時方以迴避不得與試

丁未新市

戊申張丈芝雲挽詩二首

戊申楊丈稼船挽詩

己酉王丈筠叟挽詩

癸丑何韻仙母蕭孺人挽詩

癸丑周廉泉母李太孺人挽詩

癸丑 妹夫葛崧生母盧恭人挽詩

癸丑 舟行小江湖

癸丑 贈奉化鄔翁二首

癸丑 童子爲遊蜂所螫客來愈之二首

癸丑 江西宗派圖妄題呂祖謙撰題詩正之二首

癸丑 贈樓小淵二首

乙卯 葛萊君明府挽詩

乙卯 汪崧蓀承德挽詩

丙辰 紀夢四首 有序

巳 見染髮者戲贈四首

烟岫樓詩集自

巳 蘭孫

巳 贈洪張伯同年二首 有序

未 新得朱竹垞太史贈鄭寒村太守詩墨蹟四首

庚申 簡子相

庚申 豈知二首戲贈子相 有序

庚申 以南馬樂樂府示子相

辛酉 山行

辛酉 侍兒

辛酉 姬人四首

壬戌 周家村卽景四首

壬戌讀唐史有感八首

癸亥懷章采南同年時方視學閩中二首

甲子芭蕉

甲子病後讀雨村詩話二首

乙丑桐葉

乙丑爲兄子隆道書小幅旣成有作

丁卯鄭蓮卿生母包夫人五十壽詩二首

丁卯送葉藍田司教雲和四首

丁卯草堂秋興三首

丁卯日本安嬾翁贈余夏山欲雨圖乞詩賦答三首

其往今體詩六百五十首附三十九首

烟嶼樓詩集目

烟嶼樓詩集總評

陳子相勸曰舍人生平所作兩遭劫火此其僅存者耳然一鬻之嘗足以知全鼎之味矧此裒然大集耶綜觀全詩竊以五七古樂府爲最擅場次則五律次則七絕至其七律如大將諸將漢史諸詩用古使事純以才氣駕馭控勒之戛戛獨造而舟中望惠泉山一首尤爲絕唱餘則時有佳者非其至也同治五年六月六日讀竟題

烏釀仙

世耀

曰歷觀大集牢籠萬有而仍空諸所有蒼

萃百家而莫名爲何家語語入人心坎色色出人頭地

烟嶼樓詩集總評

一

集中今無後來前無古之句可以移贈 又曰閱舍人詩當就其全部從頭至尾綜觀之領悉其大略似不必逐語逐體強分軒輊

周茹香

棗

曰舍人詩好用經語醞釀裁翦往往令人不

覺 又曰其五七古渾灑流轉蒼莽無際固爲有目共

賞余尤愛其一氣呵成中仍各自有段落少或二三韻

多或六七韻極分明又極停勻也詩本三百篇三百篇

中無一篇不分章節者樂府分解猶其遺意作詩無段

落是三百篇可無章節矣後世詩人或未必守此矩矱

故吾鄉仇滄柱先生注杜詩嘗極言之讀舍人詩覺前

輩典型尙自去人不遠

王意山

方照

曰舍人以餘事作詩人大筆淋漓直抒胸

臆集中諸體俱有傳作而清超拔俗一氣呵成絕去慘淡經營之迹者則五律尤擅勝場丙寅季夏揮汗校讀漫跋數語未識蠶管之見能否窺測萬一也

童雋廷

開

曰細讀全集有美畢臻無懈可擊如樂府之

爽利七古之峭折五古之直樸五律之超豁並是傳作而其妙處又總在一達字若統論其軒輊當以樂府五律爲冠冕五七古次之七律次之五七絕又其次也同治五年十一月二十六日

烟岫樓詩集總評

二

弟子陸漁笙

廷獻

曰先生嘗自評詩文謂有五無難胸

中無難說之隱世上無難狀之情句裏無難測之典行閒無難識之字筆下無難解之詞一生常奉辭達之訓爲圭臬故趨向如此云云廷獻讀先生詩時或妄綴數語校讀旣周擬贊一詞而終無以易吾師所自道者文章千古事得失寸心知真不易之論也

鴻年將刻先生詩集先生意不自是復屬其老友及門下之常往來草堂者校閱之篇眉句尾閱者時有評識先生謂語多揄揚意近標榜又諸君或謂某詩似某人其實所稱古人詩往往有我所未見與見之

而全忘者而乃謂我似之過情之譽尤覺未安鴻年
則謂詩後評贊古先有之不自今始其中或持異論
既可見公好之不阿若復所贊同詞亦足徵有目之
共賞因竝刊卷中以質大雅閱者九人其六人有總
評別刻卷首同治七年三月葉鴻年識

鄞 徐時棟同叔稿

慈谿葉鴻年 原名刊

擬新樂府上

劉藝蘭曰新樂府諸大篇以古語寫今

事情景如繪此種境界為吾師獨造
陸漁笙曰新樂府十二首詳紀時事纖悉備書意之
所至筆能達之而規諷意言外自見所謂言者無罪
聞者足戒蓋三百篇忠厚之遺也至其風格之迥上
氣韻之沈雄議論之縱橫音節之瀏亮固應有目所
賞其

童雋廷曰樂府妙處色色都有為神斤鬼斧為舌劍
唇槍為突浪衝波為層崖疊嶂為怒雷鬱勃為活水
縈迴為嘯蜃成樓為縱馬入陣為胡笳酸鼻為秦鏡
照神為曼倩談諧為正平坐罵為妖冶裝飾為神化

烟嶼樓詩集一

一

丹青為三百篇之變
風為七百首之壓卷

明月升中天 有序

明月升中天為孝女陳淑姑作也始余銘孝女墓論
次大節而事不詳既葬孝女念其父母草殯荒野中
疾風烈日九原之下必有灑灑然涕泣者乃遷殯與
孝女同葬施家園其後余復為之投牒有司備聞於
朝得旌如例於是其父友鍾雲扉屬余為詩聲之歌者
多矣語焉不備恐無以表揚其事因拉雜綴取古樂

府得一千八十言用韻九十二重韻十六長言詠歎
使採風者有徵焉

明月升中天，照見陳家廬。陳家有女，宛如秦羅敷。生
少多病痛，災難常崎嶇。阿爺與阿母，日日求醫巫。太湖
深浩渺，泰山高模糊。爺德比泰山，母恩比太湖。頭上盤
桓髻，耳中錯落珠。青絹爲下裙，綠綿爲上襦。二十尚不
足，十五頗有餘。顏色何窈窕，十八未有夫。阿母看阿女，
心中大歡愉。我有三女兒，此女真掌珠。有時女嬌泣，母
心難展舒。有時女歡笑，母力良拮据。女身日長，大母身
日槁。枯皆以育此女，使母病耗臄。此女心弗忍，切切禱
東廚。朝起看粥甌，暮起守藥鑪。膏肓二豎子，力弱不能
驅。鄰姥訪阿母，言此病難除。人肉得療之藥餌，安所需。

烟岫樓詩集一

阿女聞姥言，向姥持其祛。人肉那得有，使我母病紓。姥
言那得有，但割身上腴。此事大不易，相問意何如。鄰姥
出門去，女心如轉樞。三夜眼不合，三日葷不茹。杳杳黃
昏後，寂寂人定初。霍霍磨臄刀，婷婷下階除。焚香下身
拜，鋪地紅氍毹。叩頭告鬼神，姥言定弗誣。但願母病愈，
何論微賤軀。挽我頭上髻，脫我耳中珠。束我腰閒裙，解
我身上襦。青布夾臂肉，突起柔肌膚。纖手握臄刀，口齧
柔肌膚。劃然一刀割，鮮血濺衣裾。鮮血流不止，女命忽
已殊。明月何皎皎，照見陳家姝。鮮血亦頓止，女身亦頓
蘇。取肉和藥中，煮之盈一盃。姊妹怪相問，謂我容顏臞。

但問不相應。屢問仍嘖嘖。阿爺得知之。低頭捋髭鬚。阿
母得知之。淚落如貫珠。鄰姥得知之。贊歎當街衢。阿母
竟不起。女心如刀剗。仰頭呼鬼神。姥言亦已誣。抱尸卧
三日。日日淚沾濡。姊妹勸牀頭。皆言此女迂。時日大吉
利。殯母傍城郭。此女不肯送。願爲守家奴。弗忍見阿母
獨卧荒邱墟。姊妹送殯去。小第泣呱呱。日暮歸去來。執
手相欷歔。阿女看姊妹。爲言勿欷歔。母女三四人。日夜
同房居。各各還家門。誰知阿母孤。哭聲如雷鳴。不到黃
泉途。行當視阿母。兒命亦區區。阿爺得知之。搔首三躊
躇。含淚向女言。何勿忍須臾。汝少多病痛。災難常崎嶇。

阿爺與阿母。日日求醫巫。幸得身長大。竟死亦何辜。我
身已衰老。我有兒方雛。奄忽舍我去。誰當爲歡娛。汝心
一何忍。汝意一何愚。含淚應阿父。兒自有良圖。兒心亦
非忍。兒意亦非愚。回頭語姊妹。爲我立斯須。我有雙絲
履。赤纜紉。青絢得以取。著之勿言作手麤。移我妝鏡臺。
取出牙骨梳。開我黃竹箱。取出絲衣袷。一一得用之。勿
言脂膩污。可憐阿弟小。毋使人挪揄。姊妹泣相勸。汝言
何齷齪。阿母旣已去。不見爺長吁。汝當事阿母。阿爺誰
當扶。含淚應姊妹。我自良圖。阿母亦當事阿爺。亦當
扶阿母。爲我死。我當與母俱。姊妹防閑之一夜。忽稍疏。

仰藥畢微命此女竟長祖鄰姥得聞之拍手相叫呼有
女從死母今世所弗如姑得語其婦夫得告其孀母得
訓其女嫂得傳其姑里中有梗子巷口有老儒賣買荷
擔人以至士大夫皆言此女好弗忘母勞劬有人美此
事歷歷皆陳臚貧賤有此女號爲陳淑姑狀牒畫花押
縣官堂上趨縣官得聞之火速傳吏胥事隔十八年此
事信有諸吏胥報縣官已悉事不虛朱印鈐官封驛吏
遞文書所賴一

今天子旌表女門閭借問女安居乃在鄞中都借問女
安葬乃在城西隅施家花園中女墳新築鋤墳上何所
有大樹三四株樹上何所有巢棲雙慈鳥小鳥繞樹飛
雙鳥方待舖明月照鳥巢夜夜啼菰蘆寄言後世人父
母無人無

烟嶼樓詩集一

四

陳子相曰摹古如初寫黃庭已到恰好地位然嫌
未脫蹊徑 又曰此吾鄉美事正當存冠全集

烏釀仙曰割臂一段狀難狀之狀

正於細碎處見長末段風人之旨

董覺軒曰蒼涼悲婉曲折淋漓當與胡石筍李三行
抗手 又曰里中梗子數語似是閒筆而實古樂府

神妙處非淺
人所能解也

郭恬士曰雖復樞東南孔雀而灑氣旁魄上乎
無上下乎無下迥非何李諸公所能方駕者也
童曰拉拉雜雜卻整整徐徐痛快淋漓明
白了當如見其事如聞其聲化工之筆也

八月湖水平 有序

八月湖水平哀鄴令王青甫鼎勳也辛丑八月城陷

於西夷是月晦日令將殉難月湖旣而不果湖在吾家門外家人親見之夫殉之而不果其事無足道也

然而役也令君其碩果也其事可惜而其志抑可哀也故爲新樂府以存其人也

八月湖水平九月湖水青朝看湖水流夜聽湖水鳴湖水亦不濁湖水亦不清解朝看湖水流湖西頭夜

聽湖水鳴水鳴聲悠悠腥風起湖波咽將軍亡危城失太守去縣官出解可憐縣官出縣衙住無縣歸無家身

上藍絲袍足下烏皮鞢出門四望天地昏但見百姓攜

持保抱束竄而西奔三解前日拉雜轎馬箱篋出門走是

縣官賓與友昨日拉雜轎馬箱篋出門走是縣官子與婦前日之日賓客長揖別而去縣官點頭不能語昨日

之日妻孥再拜哭而去縣官頓足淚如雨四解不知今日

更何日飛礮如雷破巖邑縣官不能爭縣城豈能眼看西夷入縣官誓不生乃有奴子長跪而悲鳴縣官怒奴

子哀縣官出奴子躑躅隨之來五解縣官來湖邊與奴子

喃喃不知其何言忽見縣官跳身投清泉吁嗟縣官死

縣官與湖水兩兩千萬年六解八月湖水平九月湖水綠

縣官入湖水奴子仰天哭湖邊父老哀死別太息無語

心痛切忽見奴子大號入水而負縣官出縣官欲絕不
得絕縣官大怒手擊奴子破頭流血解縣官轉身重入

湖流噫嘻死亦大難事縣官入水既沈而忽浮於是奴

子重負縣官出而救之湖頭嗟嗟奴子爾與縣官是何

仇讐此時縣官已不能言語但聞聲啾啾解八呼嗟乎月

湖之水兮不可以濯纓縣官既來兮使我湖水清更清

九解呼嗟乎月湖之水兮不可以濯足縣官既去兮使我

湖水濁更濁十

烏曰此時縣官已不能言語但聞聲啾啾

正為縣官出脫以坐實奴子姑息之罪

董曰未二解首尾相應所謂詠歎淫佚以出之者

童曰縱筆寫去時露鋒銳妙在有起伏照
應故讀後二解乃知一解不濁不清之妙

臨高臺有序

守署大門外左右各有高臺所以懸法者也西夷既

入郡城其酋據署居之有所謂郭爺者日高坐左臺

上理詞訟而竟有紛紛愬冤抑者或曰郭本華種廣

東人與夷婦苟合而生者也

臨高臺郭爺來爾有事觀縷開枉事為爾超白難事為

爾安排口通華語眼識華字郭爺真奇才一解大事一牛

小事一雞為爾判斷筆如飛南山可動此案不可移二解

臺上肅肅臺下簇簇衙無胥案無牘自來官府斷事不

如郭爺速解三臺下邊呼奇冤不知何來男子到家橫索

錢郭爺聞之更不言攜杖下臺走蹣跚俄頃牽來縛臺

前袒其背五十鞭呼冤人心喜歡歸家縛得雙雞獻青

天解四有時郭爺獨自坐臺邊看者繁且夥忽見郭爺取

紙親學摺磨墨舐筆亂塗寫中言大官太欺我燒我奇

貨千百舸許我白銀不肯償但乞一半終不可使我今

日至此誰賈禍將紙挂臺下須至告白者有人在旁誦

讀之更借紙筆抄其詞郭爺見此笑嘻嘻懷中出麥餅

勸爾試嘗之解五郭爺來臨高臺有事無事日日人擠挨

昨日野老一過衙前街歸家歎息心悲哀我有長官安

在哉解六

童曰第五解直截寫來毫

無做作誰能有此筆力

烏曰此等詩為吾鄉時事攸關作者胸中鬱勃之氣

借題發洩其文則信史其聲則天籟故愈拉雜愈痛

快但於字句中賞

其新奇猶皮相也

陳曰以下三詩所謂老嫗都解者也每至圖

窮七首見覺文士筆端之可畏如是如是

郭曰以下六詩淋漓痛快據事直

書是正平罵是皋羽哭詩史也

鬼頭謠有序

辛丑八月西夷據郡城明年四月去之則偷兒夜竊

鬼頭之力也其術奇幻不測已詳余所為偷頭記中

作鬼頭謠

鬼頭來營門開收奇貨大官坐黑鬼小白鬼大不論斤
但論个解一大官眼力精復精鬼頭黑白何分明爲爾判

價平且直爾亦不用作偽巧裝飾二十千鬼頭黑四十

千鬼頭白解二城外偷兒紛如麻得錢日日眠酒家跛躄

進城去白日西山斜同術不同巧各自爲生涯解三營門

開鬼頭來鬼頭紛紛落如雨偷兒作客官作主鬼頭个

个入功簿偷兒作商官作賈主客喜歡鬼子氣苦白日

西山斜郎當出城去買頭主人還來城中高坐作官府

解四

童曰偷頭卻用虛寫以文集中心已
有一篇光怪陸離記事文在也

烟嶼樓詩集一

八

乞兒曲 有序

西夷據郡城積七八月郡中乞兒益窮餓於是紛起
向夷人索錢米由城逮鄉村泊旁郡他縣與餘姚流
丐之向在郡乞食者男婦雜沓攜持保抱入城中呼
號啼笑日益眾多至於數千此時夷方以偷兒有戒
心見此愈驚恐疑中國有陰謀將倉卒襲取之者始
決計舍城去是役也偷兒之功什六七乞兒之功什
二三是皆不可無作也古者兵行凱還則有饒歌鼓
吹之曲以鳴得意故擬新樂府以備甬上凱歌作乞

兒曲

蓬頭垢面衣欲穿破甑在手兒在肩什伯成羣來向鬼
子啼飢寒啼飢寒鬼子憐鬼坐臺上乞兒環臺邊鬼子
嘻笑亂擲青銅錢乞兒低頭爭拾取鬼子大笑乞兒去
解一三三兩兩傳播之鬼子有錢能布施相喚相告語相
將入城去昨來百十個今來不知數環乞錢鬼子怒手
中杖擊其股乞兒嘻嘻散復聚卻向鬼子齊聲訴哀苦
解二甬江大馬頭南船北船日日江中浮徧走天下不及
江廈俗有鄙諺云走盡天下不如甬波江廈列肆江西東大家滿城中大
家與我米列肆與我錢乞兒多復多不愁飢與寒荒年
施我粥豐年施我衣乞兒多復多不愁寒與飢三吁呼

烟嶼樓詩集一

嗟今奈何街寂寂可張羅舊門戶牆差我時大家竝以磚甃堵門戶

嗟嗟乞兒空鼓隴胡脣乾舌燥不得銜銖嗟吁奈何

乎四解乞兒啼飢寒鬼子不肯憐乞兒訴哀苦鬼子不能

怒鬼子不怒亦不憐乞兒纍纍相糾纏鬼子不憐亦不

怒乞兒拍手呼邪許五解夜畏偷兒晝畏乞兒畏晝畏夜

不如去諸六解鬼子入舟中乞兒散如風偷兒富貴乞兒

窮乞兒有口不言功使相赫赫來和戎七解

烏曰末句中句味外味爲諸詩總歸宿

洋山行 有序

鄞人入海捕魚其捕烏鰂船謂之小對捕黃魚者爲

大對皆謂之捕洋生其實乃洋山也以聲轉而譌語
詳高武部敬止錄中

正月結魚網二月修帆檣大對小對各成隊年年三月
齊出洋今年海中多盜賊四月將半猶商量解一不去憂

凍餓既去憂死傷不去身逼迫且去心驚惶解二東市買

紙錢西市買豬羊短衣百拜送神去比鄰團坐村酒香

解三時日大吉利裏頭換衣裳但見揮手不聞語銅鈺遍

地聲惶惶解四到關一齊泊對對自成行上關乞牌子關

官索錢如虎狼解五到關畏關官出關畏強梁軍門水師

動千百頓頓坐食

烟嶼樓詩集一

十

皇家糧來請將軍護漁船撥船轉向城東廂解六呼聲動

地不聞語但見帆竿簇簇旗飄揚將軍倉黃遣相告護

爾漁船同出洋解七不去畏譴責既去愁死傷不去身逼

迫且去心驚惶解八水軍叩頭獻奇策海中最畏夷船強

大人但坐此船去乘風破浪誰敢當解九點頭大歡喜百

計借餘艍明朝將軍出關去高坐夷船充洋商解十嗟乎

將軍出關乃坐夷船充洋商解十

賊迫行

賊迫賊迫步路局窄身無衣口無食父母兄弟坐愁相

歎息解一東鄰有人行賈滿屋堆金錢西鄰有人行賈滿

屋堆繒紈不見賈客還亦不見家人愁但見朝飲醴酒

暮炙肥牛二解上山山高涉水深結交不出門那得知

心作賈不入海那得黃金三解磨刀霍霍長一尺壯強美

好多膂力東鄰西鄰舊相識四解父母兄弟往告官府淚

不止長跪官府前自言我有兒子我有兄弟海中遇盜

不知其生死上叩長官爲我理官言以爾狀牒畱在此

行訪爾兒子訪爾兄弟父母兄弟收淚叩頭起五解天風

激蕩雄關開將軍赫赫巡洋來將軍有令遍相告今年

海中多大盜且排戰艦一齊靜守海山隩格搏擊殺徒

多苦我士卒哈何爲哉六解大盜猖狂海中小盜鼠竊海

烟岫樓詩集一

濱相逢倉卒不得跳身將軍赫赫巡洋歸馬前得勝鼓

馬後盜魁獻俘三兩歡聲如鳴雷發公文付所司所獲

海盜爲我一審斷斬刈之七解父母兄弟往告官府淚

不止長跪官府前自言我有兒子我有兄弟海中遇盜

不意今至是上叩長官貫其死官言昔爾狀牒猶在此

固知非盜乃爲盜所止行赦爾兒子赦爾兄弟父母兄

弟收淚叩頭起八解雞三足馬生角膝頭弄嬰兒明朝買

豬肉冬雷殷殷夏雪飛妃呼豨彼齷齪者何人斯九解

陳曰人情狡獪至此固知君子可欺以方究是未嘗畱心民瘼耳

童曰情狡獪筆亦狡獪非此筆不能達此情

烏曰此與洋山行皆有關係
吏治民情之作斷不可少

南馬樂

諸君側耳聽者聽我長言歌南馬南馬之來歷無阜千里萬里循東道循東道戀沙漠依北風悵蕭索久之乃知南中作馬樂更樂

解一

南中將軍不好武教場寂寂不

聞鼓臘鼓鳴春草生芊芊萋萋一望平春草綠春花紅則有戰馬無數嬉戲圍場中或寢或訛或羣或友或滾地輾轉或相逐奔走請君朝朝來看戲馬圖韓幹曹霸那得如此寫生手

解二

馬不可使飢馬飢馬不肥馬不可長在廐馬長在廐馬將瘦馬軍牽馬游湖隄夕陽緩步

烟岬樓詩集一

十一

東復西南人畏馬蹄相逢側立候路歧有時飲馬月湖渚馬軍背手與人語有時洗馬湖水中修尾俊鬣梳春風牽馬去領馬餉前營後營幾百匹不如我馬真茁壯

解三

南馬飽北馬飢南馬壯北馬疲南馬之樂樂無極那

知北馬之苦到老無休息當其始入主人家驛突不受人箠槌北人通馬語往往知馬趣長椿巨索將馬來縛怒目執鐵鞭鞭之流血四蹄亂舞鐵鞭斷折渴不得飲飢不得食垂頭喪氣願爲主人盡力

解四

然後乃割其腳

絡其頭口有韃尻有鞞風蕭蕭車轆轤欲緩緩欲速速但見主人鞭影動搖驚奔疾走膽碎魂銷

解五

前行驢騾

後行橐駝上峻坂下危坡連躡躑踟步逶迤行不得也
當柰何可憐力盡老將死驅之卻入都中市六有馬市解

在宣武門下即驛馬市朝稱銀暮論買借叶朝賣去者健馬

暮買來者疲馬健馬代人力疲馬供人食昨日奏刀殺

疲馬今日去馬親見之將出門心傷悲忽見一隊疲馬

之來行遲遲去馬不敢與語走如飛七解北馬之苦苦如

斯嗟爾南馬那得知往者臬臣朝

至尊牽馬北入長安門南馬生性日驕慣突入

御道狂跳奔街官大驚失色直前來控畱幸

六龍未駕尚不驚

烟嶼樓詩集一

十三

天駒而已幾幾斷卻圍人頭八解圍人幸不死受杖牽馬

歸始知北馬縱有休息時猶復羈繼局促寸步無能移

嗟爾南馬那得知歸來依舊逐隊連翩馳延頸驕驕當

風嘶九解北馬苦南馬嬉北馬瘦南馬肥吁嗟乎噫嘻北

馬之苦到老無休期豈意南馬之樂乃亦有時樂極而

生悲君不見歲在丑月在酉飛礮閃閃城不守南馬背

馱將軍迅奔走飛躍出城郭崎嶇入巖壑鞭箠雨下汗

濺將軍衣將軍猶言馬力薄十解

陳曰南馬之樂以北馬之苦相形不特推波助瀾正
是加倍寫法未解轉筆陡健有旋風突起沙飛石走
之勢

烏曰奇橫恣肆獨闢町畦乍閱之令人眼花撩亂久
讀之令人拍案狂叫此不可無一不能有二之作
又曰以史漢氣息筆格入韻語中從古未有又曰
千軍萬馬中有掉臂游行之樂奇絕又曰拉拉雜
雜氣盛則高下短長皆宜彼拘拘於
字裏行閒覓生活者望之走且僵矣
章曰第二解絕妙一幅戲馬圖第三解摹繪尤逼真
妙又曰南馬北馬故作犯筆正如重巖疊嶂愈多愈
二解忽寫到南馬入北變幻不可測度章法之妙真
神而化之矣

烟嶼樓詩集卷一

男隆壽平甫校字

烟嶼樓詩集卷二

鄞 徐時棟柳泉稿

慈谿葉鴻年吉甫刊

擬新樂府下

蚱蜢篇 有序有書後

蚱蜢者蟲名也艇之形色類之故即以蟲名名其船
曰蚱蜢艇後人以爲船名也而造舩艇之字誤矣廣
東人製艇入海中其人大率衣窄袖衣用邪幅纏股
而又跳躍善奔走亦與蚱蜢有相類者故又以蟲名
名其人蟲也船也人也其實皆蚱蜢也是則呼之曰

烟嶼樓詩集二

一

蚱蜢宜也作蚱蜢篇

蚱蜢復蚱蜢蚱蜢飛遽遽飛入大海中化作彊梁徒朝
劫賈客船暮劫商家艫般人取貨物貨物無精麤哀號
乞微命紡執以爲俘敲扑訊家世論價贖身軀諾諾復
爾爾含淚作家書歷歷問道路堂堂到城郭一持書入

家門家人驚號呼看書識其手心知事不虛鄰里相指
視云此真盜等何不束縛之送官服天誅家人謝鄰里
公言獨何與書中剋期待過時其舍諸投鼠當忌器性
命非區區二待使如上客豐膳辦中廚請客少安坐自
當竭錙銖頭上脫簪珥篋中刮金珠東家貨陳粟西鄰

索逋租時日會將盡未能盈所需慟哭相訣別明朝賣

妻孥三解撫君得聞之省中發官符太守意驚恐雞鳴戒

前途渡江踏省門撫君堂上趨撫君問太守新來安樂

無離坐不敢答撫君重歎吁海盜近絡繹充耳豈褻如

卿作海疆守海在府東隅出關不思尺何為藪萑苻四解

太守重起立鬱鬱意不舒伏惟敢撫君幸恕下官愚軍

門統水師海防尚非疏巡緝偶不到么麼生覬覦歸當

白軍門入海與之俱大人且高枕安用慮矛弧五解還歸

入府門蹙額將髭鬚此事大不易輾轉復踟躕踟躕十

餘日計較及吏胥動文忽申省下官稟成謨不才勉自

竭入海擒狂且仰賴大人福斬盜千頭顱寰海如鏡清

民困亦既蘇撫君看公文喜笑心歡娛批迴紀功績升

遷在須臾六解商賈抱狀牒入府叫無辜今年海中盜多

於海大魚百貨皆攘奪子弟猶執拘贖緩動千百性命

畱斯須太守怒目視曰爾敢妄誣我與水師官入海親

斬除寰海如鏡清撫君所稱譽拍案呼吏役逐此病狂

奴七解奔省呼冤抑一一皆陳臚撫君意懷憤飛札到句

餘曰汝作太守無乃太糊塗前月汝報我菑害已耘鋤

商賈來控告事在今月初亂生何迅速前後何齟齬不

意屬下吏狡獪竟欺余我姑赦小過此事難緩圖失之

在東隅收之在桑榆便在此月內爲我胥翦屠不然挂

彈章汝悔何及乎八太守看公文恐慄心憂虞起立不

得安出入長歎歎有人白太守使君一何迂海盜惟利

視其跡類穿窬何不賄使來羈縻於中都賦之以衣食

授之以室廬彼既得所欲棄海定從吾九聞言大拊掌

此策眞善夫馳書商撫君撫君頓歡愉軍門及總戎各

各飛青蚨合錢數百萬賚錢到海隅可憐安樂國海盜

來于于太守作狙公充欲養羣狙狙公解狙意朝暮而

賦芋韻書以此字入仄韻然莊子賦芋李軌云羊諸切音余則芋本平聲非叶音也盜魁授官

職圓頂白碑礫百姓看渠魁昂昂坐軒輿此是太守德

烟嶼樓詩集一

三

使我民力紓海中亦可賈海中亦可漁十解朝朝飲美酒

夜夜擲鼻盧約結自成隊射鳥出闔閭衣工秉刀尺萬

指裁羅縠貧女嫁比鄰無人作腰襦短櫛金錯刀窄袖

青縹裾遊遊貴官第調笑酒家胡道路皆側目夷坦爲

崎嶇海中可往來城中難久居十一解

廣東人之入甯波事在咸豐初年時余方居倚廬不

問外事其後友人告余以詳如此且曰周祥干之亂

事與太守無與也而鄉民羣入其署中盡焚輜重囊

橐以去蓋天惡其首召海寇貽禍茲土破家罷官所

以陰報之也既而李君笙南來草堂則曰此太守寬

獄也太守將以民閒房租錢募勇入海勦除之會撫
君創買降之議而罷其買降錢實出自武營所謂軍
門及總戎各各飛青蚨者是也而謂太守主之則冤
矣余曰是或然矣然撫君雖主買降之議而曰必以
四明爲壑無是理也其魁其徒不以此時驅歸散遣
之而乃官於是養於是聚國族於是始爲營窟之狡
免繼爲當道之豺狼誰生厲階至今爲梗卽如君言
太守獨能辭其責乎然且吾詩所述如出一口何惡
於彼而誣曠之乎聊記異聞附之下方若吾後篇所
詠則事在目前爲禍尤烈見者怒目聞者傷心不知

烟嶼樓詩集二

四

父母我斯民者又將何以處此也庚申秋八月書

童曰層折寫來無不盡之意無不達之辭腕下疑有如意珠

郭曰一結已攝起後篇意

後蚱蜢篇 有書後

諸君且勿喧聽我歌後篇前歌既悲苦後歌尤辛酸聽
歌飲美酒慎勿出門前門前行不得蚱蜢飛滿天一解昔
時飛入海商賈涕漣漣今時飛入城居民心悵悵遠見
三兩來我足自連蹇低頭不敢視況敢摩其肩但聞鴉
舌音提笑相語言青樓笑啞啞黃墟舞倦倦一解纏頭與
酒債何時解腰纏低聲問何時雞肋飽尊拳一解開門當

大道門挂小紅箋箋上何所有墨字書洋煙入門見牀

榻榻鋪毳毛氈氈上何所有縱橫陳銅盤招邀遊冶子

請君來高眠朱火然其中青烟颺其閒從風入君懷四

坐莫不歡四句竝漢樂府而宛然為後世洋烟寫照可異也故戲襲之香風正歡暢

麗妝出嬋娟目挑未成語突如被拘攣三解縣官得聞之

呼馬上鞍轡馬後隨健役趨疾如猴狻大噪執醜虜長

繩縛以牽牽入縣官署道旁千人看縣官坐堂皇羣醜

心膽寒曰爾本寇盜免脫幸爰爰柰何在吾縣法令猶

再妍叩頭乞免死袒背三百鞭紉羊枷天狗大廷列縣

貊此時為患害瑣瑣亦彘彘我有慈父母使我疴瘵痊

五

蚱蜢如鳥雀縣官如鷹鷂四解喋囁私耳語蹙頰心煩痛

今時莫為非刑法諒難寬不見昨縣官威怒不可干縣

官受

恩寵洵歷至大員皆在此城內官改地不遷段公光清

年來權鄞縣後奉特旨知甯波府既又橫行畏官自咸豐二

府安居無金錢結隊理故業海中重據蟠肱篋刮珍寶

滿艇載繒紈笙歌挾美妓簇簇衣裳鮮囊空出關去欲

飽來翩翩去來作巢窟下上如鞦韆五解飛去復飛來海

上復喧闐賈客羣聚謀莫愁行路艱盜能為我禍盜可

為我援重賈合護我登萊與漳泉四明海船買遷於山東者謂之北船於福

建者謂之南船。一行如人意，再行垂餽。颯鳴，嘯匹侶私約。海山巔，我主爾爲客，僞鬪張空卷，護賢去不返。轉貨亦登。

仙賈客重聚，謀齊聲。叫長官，言彼蚩蚺艇長，惡終不悛。西夷有大船，號爲火輪船，一日數千里，所向無完堅。願

以十萬金買之來甬川，官言事可濟，那復畏驚湍。此亦段公

在觀察任中事也。其後輪船入北洋，東撫驚懼入告。上嚴旨詰問，浙撫浙撫奏稱商民仿夷式所製造，非夷船。煤烟冲霄，漢放船火，燿燿行一日，費煤錢數百千也。

環船綴巨礮，礮中子母丸。東洋鉦，西洋鼓，蕭蕭南洋燒舳艫。北洋滅腥膻，輪船纜一葉，聚盜而殲旃。游涌幸身脫海上，敵盤桓六鄉村。有巨室，富有饒田園，忽見

烟囪樓詩集一

無賴子，衣敝履亦穿。入門問主人，意態殊閒閒。自稱收宿債，負我多。歷年券字半明滅，話言類狂顛。主人怒，不

已驅之出門，垣鬱鬱不得志。往與盜鉤，聯海上無生計。羣盜方憂煎，聞言開笑口。短兵磨刀，鏡明朝望門入。登

堂開其軒，主人色如土。有情無可宣，鄰里來伴客。辦飯烹肥蠶，償之倍稱息。豪釐不能蠲，蚩蚺腳撲朔跳躍心。

喜驩我百爾，九十與爾瓜分焉。七解閒步入城市，但聞聲

叫謹。婦女東號哭，男子西長歎。皆言家中人安分，無尤愆。蚩蚺忽飛入拊背，扼其咽，拔刀呼去去。去去不知何邊

俄見少年子，寄我札連連。一言苦飢餓，爲我納囊餽。先時

拉人以去尙知處所其後恐來截奪并不知陷穽何在而公然在人前論贖贖多寡既滿其欲然後使得見面一言苦榜笞爲我圖贖鏹密札言惡少報我睚眦怨嗾使來拘捉言之涕霑翰問彼何敢爾旁人忽笑嗎客豈罔聞知蚱蜢久爲患前時橫鄉曲今時橫通塵大路揜執祛履闌衣裳寒長言未及半蚱蜢遙翩躚奔遊還家門念此摧心肝八乃控縣及府上至巡道轅嗚咽不能語官府亦哀憐硃筆判狀尾情法何可原命吏往收捕垂手莫敢先官府良愛我吏役滋慙顏於彼非鷹犬於我真腹錄姦吏大雀鼠盜胥眾公門有使費成例動相沿盜告轉爲累憂來心如攢我有慈父母在省而無權

軍門爲鄉親

提督某公亦廣東人

往勸門已攔條有衣冠人挾術

來以鑽百計爲我畫此德非可諉誰知食指動異味思

嘗鼈對我作怒罵到彼反吹扇背我私計較面我語欺

謾謂我如之何勸我鬻荒田醫得眼前瘡血肉心頭剜

九此閒樂莫樂蚱蜢來源源昔來不滿百今來盈數千

借問景安居眾居城東偏官衙作比鄰近市千萬椽若輩

所居並在道比戶揭紅燈細席鋪長筵席上錢滿堆筒

筒黃而圓不知作何戲其黨袖爭揜翦紙書神號是復

何怪祇乃在其筵下噫肯長伏跽地上爛明燭既雷靈

連蟻佑我發利市崩角頭叩輒出門視眈眈入門聲嘩

嗶相逢在狹路勝執豕於圈叶侃侃論身價細大真不

捐捉人誰最多揖我謂我儂十解捉人纍纍如相對夔憐

蛇中有大家子遭遇尤速遘鞭背背擁腫桎足足蹒跚

大雨驅灌頂烈日驅負暄骨肉無一面消息無人傳其

家徧奔走兄弟空臆胼以勢相恐獨彌絕歸來緣載之

以巨艇夜夜泊江塹箝口置諸臺高高懸帆竿似防宵

竄逸日出方解縣幾將祭大燹斬之爲犧牲還歸嘔心

血此恥何時前更有變人子不意遭飛緝空空無可贖

身命亦既捩利刃抽指爪肌膚一無完痛極自經死投

之江滯浚尸亦不得見大石尸上磐十一此時壯哉縣

烟嶼樓詩集一

景象信淒然康莊栽荆棘誰云道平平事來敦追我出

門奔游觀日吁兮不來日夕兮不還父母倚閭望妻子

勞心轉願得守貧賤室家長團樂側足登城頭城頭聞

杜鵑白日似長夜寂寞路漫漫巷亦無飲酒道亦無衣

冠廣匪之禍始於索債控告無靈禍乃益熾始猶恐獨

夏秋之交更無虛日每三兩爲一隊手持短刀邀人白

書近在衙前遠及郭外既入奔中逼索身價多或數百

金少亦數十貫故其黨相謂捉得人來縱不如意亦勝

執一豕由是殷富之家閉戶惕息衣冠之族裹足周道

短衣赤足之徒亦不敢公然擔負錢物以行十二解市中何喧
奇聞異事至於此極可長息也
鬪鬪闖復淵淵前市收張陳後市下關鍵鳴鑼罷市列
到官齊呼冤呼聲動天地陷下人叢駢言自夏秋來無

曰得平安取人越人貨血淚無時乾官曰人無諱爲汝
策萬全大官及下吏一堂言便便誅之不勝誅且恐禍
蔓延不如借爲用使彼交防閑君子人治人畱慝姑保
姦迅速召富室各各破奇慳計議到渠魁此事卿可專
有錢三萬貫卿爲我周旋渠魁有難第一官方待銓赴
赴千夫長健婦亦稱賢呼集同鄉人造冊親排編計口
給資用萬屋巡漫汗東西與南北羅列如星纏以察其
族類無或仍橋虔舊時所羈繼縱令歸言逆歸者七十
人消瘦無肥胖十三解何以成江河不塞始涓涓何以成
網羅不絕始繇繇後歌續前歌我言豈譏譏罪狀百不

一擢髮千萬端流毒今小愈尙畱瘡痍癥天下盡樂土
居此胡頽頽拳勇職亂階何不驅烏鳶哀我民無辜日
削而月朘杼柚有時盡滄海焉能填長官滿城中兜鍪
與貂蟬無罪無忌諱敢爲竭卷卷十四解

火烈難犯此定論也東里教人以猛而夫子謂之遺
愛稱之惠人而況治亂國者乎乃官長仁慈一切不
問貪心非性生而故長之畏心非本無而故滅之夫
以有主之物而可以恣意予取莫敢誰何苟非夷齊
有不羣起而爲盜跖者乎嗟乎縱橫劫掠聽之呼號
迫切又聽之承平之世慘於喪亂爲自有郡縣以來

所未有之事。至於糜爛不可救。而猶羈縻姑息。養域中。曾不月餘。故態復作。不得已發兵收捕之。而乃居然拒敵。互相殺傷。拳勇亂階。果如所料。於是大動干戈。聚而殲旃。天日昏霾。喋血道路。嗟乎。嗟乎。夫何爲。而至於此極耶。亂後憶錄舊稿。并詳本末。非以招舊令尹之過。亦欲使後之爲民牧者。鑒茲芻蕘。慎毋養癰。疥而成癰疽。徒多殺我良民爲也。同治三年甲子人日書後。

童曰哀痛迫切之言。又曰鳴鶴嘯匹侶六句中。多少轉折。此事極難寫。卻以數語了之。筆妙。乃爾陳曰兩蛇蝥篇。頭緒紛繁。層次委折。拉雜敘來。卻復頭頭是道。井井有條。俗而能雅。曲而有直。體非大作。

烟嶼樓詩集二

十

家不能有此視臨高臺。諸作又爲進境矣。又曰此兩篇與美女妖且閑。當爲樂府中壓卷。郭曰兩篇神鼎。鑄奸窮形。盡相章法。亦極渾成。東坡所謂北征與秋色爭高者也。

廣東客

昔有廣東客。流落甬江濱。遭遇同鄉子。提掇爲賈人。長袖善舞多財善賈。曾幾何時。乃有金錢百萬。不知數。

力田不如逢年刺繡。文不如倚市門送人。作郡年復年。

不如自我爲好官。二甬江東接大海。頭出關咫尺。昌國

州。卽今定海廳也。高者山下者谷。黃者金。白者玉。奉觴上壽。再

拜。撫君前。但願一任昌國州官死。亦足。三州人得聞之

感頰相告語。新官來。柰何許。入郡中。謁大府。不願得杜

母召父願得借寇一年依舊作民主大府聞之赫然怒
噫吁呼官去畱乃由汝解四江邊廈屋千萬閒昔時作賈

今作官鉦煌煌旗飄颺東拜福建子西拜洋商與君作

別神飛揚此何異衣錦還故鄉相逢故人滿路旁貧賤

之交不可忘君戴笠馬前揖我騎馬不能下馬前簇簇

官威儀故人悅君君不知解五銅鉦鳴綵旂舞坐大船出

關去馬如風僕如雨今爲官昔爲賈馬如龍僕如虎新

官來柰何許解六西洋鬼子州中居大開筵宴戒庖廚鬼

子作主人新官來作賓今日良宴會歡樂難具陳鼓一

擊酒三巡一言告君君弗嗔衣不如新人不如故本有

舊官君可去新官聞之色如土噫吁呼官去畱可由汝

解七新官怒鬼子笑一言重向新官告君不見蚱蜢艇中

人新來擾亂郡中無朝昏若曹與君皆鄉親水有源木

有根君不官此土若曹來無因便喚鬼奴走入廳衙中

索取官印來匆匆鬼奴捧印當筵立額手致敬而以手

相接州官之印願自

大皇帝雖我外臣敢兒戲兩手送獄司請君畱幾時舊

官到來然後還付之解八遠哉遙遙我馬驕驕人言一何

嘒嘒人言猶可鬼挪揄我狐欲渡水無柰尾何我欲作

吏無柰鬼何解九速速去去速速去去舊官來柰何許來

如虎去如鼠。早知作官如此。不如仍作賈噫。吁呼官去。

雷竟由汝十解

陳曰全篇一氣呵成波譎雲詭雷轟電掣其操縱如意處真所謂嬉笑怒罵皆成文章但以古語絡繹奔湊賞之猶皮相也

美女妖且閑有序

賊目黃呈忠之據甯波府城也。往聘袁氏養女為妻。及門而轎不能入。毀垣以入之。又不能升其堂。倉卒納女堂階下。復自穴隙出。袁氏門故高大。容軒馬。是日賊黨迎女者幾千人。皆瞪目流汗。咄嗟有駭色。其夜火起屋為灰。燼僉曰太常父子之靈也。余謂此實宋季殉節進士天與先生諱鏞。義憤之氣積六百年無改。其英爽以有此靈異。太常父子蓋受命而與其閒耳。揖盜為婿事不足以汗吾筆。而其先人之赫聲濯靈不可誣也。卽事歌詠之備始末焉。得十解百韻。取子建詩為首語。遂以名篇。

烟嶼樓詩集二

十三

美女妖且閑。生長城中。中央父死母更嫁。嫁在城西廂。赫

赫忠臣裔。先生死無諡。僉稱忠臣。公明季林氏謂諡忠定不足據也。峩峩柳莊坊。太

名琪。柳莊其自號。坊在所居之前。阿女隨阿母來。依袁家郎女。謂他人

父母作新嫁娘。解一阿女好顏色。鬢髮黝且長。明眸善巧

笑。胸臆流輝光。朝朝塗膏澤。夜夜紅粉妝。盈盈下階除。

步步生芬芳但得見此女心醉神顛狂飢者忘餐飯渴者忘酒漿豔聲播閩里妙年無姑嫜二可憐歲在酉粵

寇亂海疆兜鍪與貂蟬棄城而逃亡婦女為俘虜男兒

櫻鋒鋌渠魁入官府羣醜據民房馳報金陵賊封之為

戴王開筵陳百戲羣醜來遑遑前賀抱腰膝賊見其頭目禮如此

齊進千歲觴呈忠偽封戴王純千歲千歲志驕縱乃覺心傍徨顧

謂羣醜言知否我中藏夜來意不樂後宮無嬪嬙軍帥

前陳詞城西有姬姜嬌好無倫比流麗亦端莊且是大

家女卑職知其詳賊所偽授軍帥師帥旅帥等無不自稱卑職者但恐千歲尊

門戶不相當渠魁得聞之喜笑心陽陽顧謂軍帥言為

烟嶼樓詩集二

我往商量今我非諸弟賊呼其下無卑尊皆曰弟安用復樓讓言詞

倘有緣好為我聘將三時日大吉利納幣何輝煌軍帥

裏紅巾健兒扛朱箱箱上何所有歷歷皆鋪張黃金閒

白玉錦段雜明璫籠中盛鵝鴨案上列豬羊綵旗泥金

字字吉與昌大兒負筐篋小兒荷囊囊既入袁家門

道路還相望阿母大歡喜阿父樂徜徉回頭語軍帥物

物非尋常軍帥謂阿父富貴無相忘四解忠臣得聞之赫

怒召孫行太常及尚寶祠中紛趨躅尚寶名忠徹太常子也父子皆以善

相名永疇昔十七人同時為國殤自公有召命顛倒其

衣裳忠臣殉國難時其家人方上墓歸舟聞變妻妾子婦同赴水死者十七人其僕抱幼子匿墓間以免

忠臣太息言劫運在梓桑畏福幸苟免孫枝胡荒唐彼
女非族類聽之歸虎狼柰何瞰我室恣意爲翱翔聊用

示懲戒使彼心驚惶五解於是娶女吉盈門聲洋洋沸騰

撼山谷人語雜笙簧軒車將入門役夫忽踣僵百計不

得入但見門將將遲久更無柰停車毀垣牆以車鑽穴

隙役夫亦踉蹌齊聲復狂叫倒行足動勦各各不自由

焉能升其堂此時逆女者干夫氣軒昂殺人如刈草治

鬼無奇方倉卒取女去流汗行俚俚六解忠臣怒不已騎

箕排天閭稽首瑤墀前抗疏奏天皇寇盜爲婚媾臣孫

信不良汗穢臣家室種種都不祥焉用此門戶而貽孫

子殃天皇詔祝融隨之下帝鄉是日始昏暮天風狂扇

颺忽見一星火飛上袁家梁俄頃烈具舉邃室延修廊

羣醜圖撲滅折足空奔忙賊之據守西門外者以袁朝氏火竭力相救而折其足朝

見巨第宅暮見瓦礫場東家與西鄰連臺接棖窠明明

分界畫毫髮無焦傷有馬鬣鳴者與袁氏比屋而居爲余言是夜之火神異如此七解

美女入軍中誰云氣不揚低眉學菩薩怒目成金剛朝

朝飲人血夜夜食心腸持刀能自舞騎馬那用繮纖手

弄雙彈轉丸如蜨娘昔時何柔媚今時何崛強昔時何

窈窕今時何披猖昔爲寇與讐今爲鴛與鴛八解鴛鴦能

幾時日出銷冰霜西人助

王師大江排餘鯨巨礮隔城入閃閃飛帆檣渠魁無人
色棄城走倉黃此女亦馬上隨奔城南塘有人見此女
短衣青襦襠不知更何往流淚盈兩眶九解阿父與阿母
相對兩茫茫豈料霎時夢曾未熟黃梁此恥何時雪此
恨何人償俄聞前長官還來守城隍募勇爲防戍無以
裹餼糧下令治黨與倒彼橐中裝健役捕三帥罰鍰繫
銀鐐聞之大齧齧局促如蠶蠅阿母匿複壁阿父竄遐
荒死難見宗祖生難逃王章嫁女得此禍不如棄路傍

童曰第五解述忠臣語云彼女非族類聽之歸虎狼
非特白伸其說且以足成首解阿女來依一段也鍼

烟嶼樓詩集二

五

線極
細密

陳曰亦是想當然耳特爲忠義之士吐氣千古遂覺
異樣生色一炬焦土幻出萬丈文芒奇事非此奇筆
傳不

郭曰每讀長篇鋪張處極從橫兜裏處極完密
是以龍門扶風之史筆船香山微之之新聲者

烟嶼樓詩集卷二

男隆壽平甫校字

烟嶼樓詩集卷三

鄞 徐時棟同叔稿

慈谿葉鴻年吉甫刊

擬古樂府

劉曰擬古而不相沿襲故能自開生面卓然名家

陸曰古樂府二十一首有借題抒寫者有因題發揮者貌古意新格陳語新昔人所謂奪他人之酒杯澆

自己之磊塊也

柳汀雅集擬長干曲卽集郭氏樂府中長干曲

句

妾家楊子住

古詞

江上多南風

張潮

十四爲君婦

李白

顏色桃

李紅

李白

二

菱舟不怕搖

古詞

菱歌唱不輟

崔國輔

十六君遠行

李白

中門

不曾出

張潮

周茹香曰長干曲本似棹歌故其詞皆擬榜人女聲自此章上二句依仿體裁幾類蕩婦下二忽出莊語遂覺凜不可犯詩云白伯之東首如飛蓬豈無膏沐誰適爲容此三百篇遺教也不圖於集中得之

三

下渚多風浪

崔灝

富貴多寵新

張潮

感此傷妾心

李白

嫁與長

干人

李白

周曰於五言二韻集句詩中忽發議論亦奇

四

同是長干人。崔同居長千里。李見少別離多。李白發去悔
不已。張
潮

五

相尋路不通。崔國干喚不一迴。李那能不相待。崔日暮

情更來。張

周曰仍結到題位思婦本色怨而不怒可以風矣

郭曰絕無雙續痕跡視朱氏蕃錦黃氏香屑另有一種風致

柳汀雅集擬從軍五更轉

一更秋風乾寒月在窮邊野屯一燈碧白髮談朱顏

烟館樓詩集三

二

二

二更胡笳低城頭衰草飛將軍恐有令不敢解征衣

三

三更警柝號月落霜天高髑髏學人語匣中鳴寶刀

烏曰險語破鬼膽

四

四更愁未央胡馬嘶邊霜獨坐不敢窺自知秋夜長

五

五更星點孤荒堞起啼鳥送籌驚短夢纔夢斬匈奴

柳汀雅集擬邯鄲才人嫁為廩養卒婦

美人冉冉來雲中綠衣錦繡宮花紅仙之人兮知我情
顧我一笑生春風明璫解贈懷君德可憐一去無消息
吁嗟乎之子不來秋風多綠衣綠衣柰愁何

塘上行贈陸東岑

龍

池上有浮萍浮萍何青青風來發池上隨風東西行

一解

浮萍本無根結交亦有因風能吹之去不能吹使分

二解

出亦復苦愁人亦復苦愁夜夜不能寐思君在心頭

三解

雖有姬姜無棄糟糠雖有執紼無棄韋布雖有昏姻無

棄故人

四解

昔見君顏色桃李明春風今見君顏色秋霜

凋寒楓爲君不食爲君不息悵悵無之何時共坐話我

烟岫樓詩集三

三

心期五解浮萍在池浮雲在天浮萍無根草浮雲無根烟

風來吹浮萍浮萍不肯離風去吹浮雲浮雲尙依依

七解

烏曰第二解新奇已伏末二解絕妙好辭假物言志可以怨矣

郭曰純是魏晉人骨髓

飛雲

飛雲過嶺快馬難追自言迅速淵水笑之

一解

茹芝餌黃

長生堅固敲鈎作鍼不能縫布

二解

山雞窈窕愛其羽毛

華衣鮮食難爲錢刀

三解

上有青天有海門游魚戲水

不知報恩

四解

董曰此等詩直逼漢魏矣

侏儒問修人

侏儒問修人天高高胡底修人謝不知侏儒怨欺已解一
侯家大富貴金屋玉為牀峩冠博帶人滿腹皆文章解二
新自長安來高坐話長安座有長安子唾笑無一言解三

烏曰如謠如諺調侃不少

一父沾兩名

證羊代罪直聲孝聲父一而已乃沾兩名解一鬪牆怨言
讓妻德色告人曉曉家庭曲直解二不配參軍自嗟怨耦
邯鄲才人廁養卒婦解三黃金散盡無有知心嗟嗟知心

烟岫樓詩集二

四

豈在黃金解四

當將進酒

天上極樂國柰無酒漿所以神仙沾酒餘杭解一地有酒
泉郡福祿縣之首飲酒得福不飲何有解二養生書汗牛
不見長生人令天可上地上安得民解三蜉蝣龜鶴共此
死生不如飲酒樂我友朋解四解口可以飲不可以言有言
將出與酒同咽解五今日何日今夕何夕歡樂無央有酒

在側解六

烏曰與酒同咽奇語也 又曰口頭語一經拈出便爾妙絕作者意愜閱者意愜

反將進酒

酌酒上堂壽我千觴無多酌我乃酒狂解一天寒衣單
手交其肩納手肩凍掩肩手寒解二跪進千金不我肯受
窮交厭人索我升斗解三兄弟白髮兩不知心握手片語
乃稱知音解四有酒不醉如癡人何有酒欲醉將柰君何

解五

烏曰庸情俗態作
者有慨乎其言之

劉曰前篇第五解此篇第
四解意深語奇尤為絕調

門有車馬客

野花滿谷願盼自奇芳蘭當門鋤而去之解一昨日見我

箕踞在堂今時相見再拜奉觴解二生不自彊軾軻苦辛

烟嶼樓詩集三

五

出門氣短何為賤貧解三衡門之子生不知憂樂哉逍遙

我無所求解四

那呵灘

昔時送郎去握手兩徘徊願天發逆風郎船不得開

二

今時盼郎歸展轉儂心懷願天發順風快送郎船來

三

逆風復順風日日皺愁眉仰天呪風色君家天難為

烏曰末句奇語
古詞也此僅易一字忽覺奇語驚人
郭曰擬古脫盡窠臼
方不是虎賁中郎

四言

力田六章章四句

有序

力田贈張翁也張翁能以古道訓其子

先民有言或農或儒我謂張翁巧不如愚 先民有言

或耕或賈我謂張翁出不如處 有妻椎髻有孫含飴

有子三人毋荒而嬉 環堵有屋濱江有田佐饑得食

力田逢年 豈其耕田必有膏腴豈其作室必夏屋渠

渠 春時桑麻秋來場圃斗酒隻雞室家勞苦

乙巳九月擬易林 有序并跋

序曰擬易林者何也昔宣和之末崔相公任州占易

烟嶼樓詩集三

六

林得大過之遯辭曰坐席未溫憂來叩門踰牆北走

兵來我後脫於虎口卜後十日州亂相公踰垣而去

其驗如此即使相公事後爲之不能過矣此其所以

擬易林也有卦變而後有林辭擬林辭而不設卦變

者何也蓋智者見於前愚者見於後欲示人以消息

則欲使自得之今已事而述始末焉此其所以有林

辭而無卦變也必有作者不沒其實也忽彼忽此者

所指眾也不直稱所指者將有諱也其知者以爲是

紀事也其不知者以爲是擬易林也

有虎食蟻鬚卷脣疲一日萬命坐山啼飢

二
畫沙作字野鬼入門跪進漿酒自稱子孫

三
狂鬼大言今歲七月利見甲兵危城將失

四
華言風四
北鄰牝貓一乳四雛一雛大怪狀如嬰兒

五
螟蝨聚語蔽天成雨炎火不光稻根心苦

六
憂雲哀飛莫肯聽辭拔劍傷手乘車北走

七

烟嶼樓詩集三

七

竊藕探穴足不得拔口饑流沫

八

同舟其濟我狼爾狼證訊詰問爲爾傍徨

九

華言風語誰羊誰虎頭痒搔跟無益勞苦

十

扃戶試士農升其堂耒耜皆作不成文章

十一

紛紛洶洶來掣吾肘面白如灰踰牆而走

十二

帶刀自衛禍登其車率執手足笑逐雄狐

十三

一身兩口與子笑言出門歧向使我心寒

十四

癬疥之疾但癢肌膚厲刀剗肉自喪其軀

十五

張弓祝雞伏其雄憤白鵝成羣不敢拒格

十六

叩頭告哀賜我逃歸中道遇敵身無寸衣

十七

重門環守急莫能脫奪人嬰孩抱之徐出

十八

不知何時喪其組囊白金粲粲化爲印章

十九

丁戊己庚利以卯行喪其辰巳午使我驚

二十

傳聞失真皆爲長平婦女夜哭十里同聲

二十一

戟門晝閉索命不已脫帽搔頭與憂相視

二十二

大奴毛腳來走我軍酒諧肉飫歡若昏如

二十三

將伯呼叔如骨與肉明日復來手擲其牘

二十四

狐裘于思入門怨言縻爾好爵歎散煩冤

二十五

桃李冬實何人在側歎息西行使君無色

二十六

東人爛額西人謔謔抱火宿薪自言安樂

烟岫樓詩集三

九

此記道光乙巳年奉化縣徵科之獄也始縣民以錢折納賦稅銀其價較賤於四明他縣舊令既增之新令以爲未足是歲又驟增之民控諸守及巡道皆不得直往控諸省省復下之守守念稍扑教之事當已而縣眾更怒以撫君驅羊餵虎上控京師會令方科試縣士縣人數萬負耒耜洵洵破戶入令踰牆而逃奔郡哀愬守爲之白軍門發兵往捕則比戶安堵亦莫能得倡始者主名及兵旣入城縣民忽風起雲合大閉城拒擊謂軍士與我同郡不可殺盡奪其器械驅逐之而執縛其將兵者於是謠言紛至郡人大恐官

